



იმისთანა წმინდა საცმეში, ბოგბინდ ბუქ-
უბი სიფყვას, ცუდილუბით და ჭებრბით ბუბ-
თის გაფანა ყუულა უჯანსიბთაჲ უსაბაგლუსია.



გაგონის 1918 წლის
25 ივლისიდან

რესპუბლიკა

ხუთშაბათი, 20 თებერვალი. 2020 წ. №31 (8957) ელ.ფოსტა: sakresp@mail.ru და sakresp@top.ge ფასი 60 თეთრი



უბულაპამ

„იბულაპა“?!..



5

ბვაბები ჩქარა!

უსაფრთხოების ეროვნულ საბჭოს ვახტანგ გომელაური უხელმძღვანელებს

საქართველოს უსაფრთხოების ეროვნულ საბჭოს შინაგან საქმეთა მინისტრი ვახტანგ გომელაური უხელმძღვანელებს. ამის შესახებ საქართველოს პრემიერ-მინისტრმა, გიორგი გახარიამ მთავრობის გაუშინდელ სხდომაზე განაცხადა.



„მინდა, მოგახსენოთ სიახლე. მოგვხსენებთ, უშიშროების საბჭო არის უადრესად მნიშვნელოვანი ორგანო, რომელიც ეფექტურად უნდა მუშაობდეს და ფუნქციონირებდეს. შექმნილი ვითარებიდან გამომდინარე, წარმოგიდგინებ უშიშროების საბჭოს ახალ მდივანს. ეს გახლავთ შინაგან საქმეთა მინისტრი ვახტანგ გომელაური“, – განაცხადა გიორგი გახარიამ.

ლაშა ტალახაძე – შვეიცარია, მოსკოვი, ევროპის ჩემპიონატზე, საქართველოს ჰიმნი ავაუღარო!



ქართველი სპორტსმენების მთავარი მიზანი არის გამარჯვება და ვიბრძვით, რომ ქვეყანას გავეუთქვით სახელი, – ამის შესახებ ქალაქსოფში მსოფლიო ჩემპიონმა და რეკორდსმენმა ლაშა ტალახაძემ საქართველოს პირველ არხს განუცხადა.

მსოფლიო ჩემპიონი გამოეხმაურა ბოლო პერიოდში ქართველი სპორტსმენების, მათ შორის ქართველი მორაგბეების მიმართ პოლიტიკურ და შეურაცხმყოფელ განცხადებებს. ერთ-ერთი ასეთი განცხადება „ლეიბორისტული პარტიის“ ლიდერმა შალვა ნათელაშვილმა გაუშინა გავრცედა. ლაშა ტალახაძის თქმით, შეეცდებოდა მოსკოვში ევროპის ჩემპიონატზე გამარჯვებას. ლაშა ტალახაძე ასევე წარმატებულს უსურვებს ქართველ მორაგბეებს, რომელთაც მომდევნო მატჩები ბელგიასა და რუსეთის ნაკრებებთან აქვთ დაგეგმილი.

„მინდა, წარმატებები ვუსურვო ქართველ მორაგბეებს, რომლებსაც თამაში აქვთ ბელგიასთან და შემდეგ რუსეთის ნაკრებთან. დარწმუნებული ვარ, რომ ისინი მოიპოვებენ გამარჯვებას. ასევე, წელს ჩვენც ევროპის ჩემპიონატი გვაქვს მოსკოვში, სადაც მივიღებთ მონაწილეობას. შევეცდები, რომ საქართველოს ჰიმნი ავაუღარო მოსკოვში და, ალბათ, ეს იქნება ჩემი ყველაზე დიდი პასუხი ყველა იმ ადამიანისადმი, ვისაც ეჭვი ეპარება ჩვენს პატრიოტიზმში. წარმატებები ქართველ მორაგბეებს. აუცილებლად გავიმარჯვებთ“, – განაცხადა ლაშა ტალახაძემ.

საქართველოს სახელი 3 ირყევა: ვინ იღებს პასუხისმგებლობას ქვეყნის დასვაზე?

სხინვალში ვალაზიები სარკულაბა ქახეთის რკინიგზა ეკონომიკურად წამბებინანი იქნება!


ოპოზიციამ საქართველო ჩაუშვა... 8 ნატო – იქა, ქატო – აქა!



იბედით სავსე ქატი 7 რევაზ ძნელაძე-70

გიორგი შენგელაია

გარდაიცვალა გამოჩენილი ქართველი კინორეჟისორი, რუსთაველის პრემიის ლაურეატი, საქართველოს სახალხო არტისტი გიორგი შენგელაია. საქართველოს კულტურის ფონდი მწუხარებას გამოთქვამს დიდი ხელოვანისა და მამულიშვილის გიორგი შენგელაიას გარდაცვალების გამო, უსამძიმრებს ოჯახს, მეგობრებსა და ახლობლებს.





ემროპარლამენტში საქართველოს ხელისუფლებისადმი მხარე კრიტიკის ფონზე აღმოსავლეთ სამეზობლოს ასოციირებული ქვეყნები – საქართველო, უკრაინა და მოლდოვა ევროკავშირის მიმართავენ ერთობლივი თაოსნობით, კავშირის ბიუჯეტში ასოციირების შეთანხმებების მხარდაჭერა „სათანადოდ აისახოს“. როგორც ერთობლივ მიმართვაშია ნათქვამი, სამი ასოციირებული ქვეყნისთვის ასოციირებისა და ღრმა და ყოვლისმომცველი თავისუფალი ვაჭრობის შესახებ შეთანხმებებით გათვალისწინებული რთული ვალდებულებების ეფექტიანი შესრულებისთვის მნიშვნელოვანი იქნება დამატებითი ფინანსური მხარაგი. თაოსნობის არსა და პერსპექტივაზე, ასევე საქართველოში მიმდინარე პოლიტიკურ პროცესებზე, მათ გამო ევროპარლამენტში საქართველოს ხელისუფლებისადმი განწყობის ცვლასა და შექმნილი ვითარებიდან გამოსავლის გზებზე „აქსენტში“ პოლიტოლოგ კორნელი პაპანიას ესაუბრა.

კორნელი კაკაჩია: იმის გათვალისწინებით, რომ ზოგადად აღმოსავლეთ მეგობრობასთან მიმართებაში არასასურველი კონტექსტი ყალიბდება, ეს თაოსნობა მნიშვნელოვანია: მაკრონის ინიციატივის შემდეგ საფრანგეთმა დაბლოკა ბალკანეთის ქვეყნების ევროკავშირში გაწევრების გეგმა; საფრანგეთი და კიდევ რამდენიმე სახელმწიფო ცდილობენ, აღმოსავლეთ პარტნიორობას სტრატეგიული მიზანი დაუკარგონ. კერძოდ, საფრანგეთი ამბობს, რომ აღმოსავლეთ მეგობრობის თაოსნობით მიზანი არაა მომავალში ამ ქვეყნების ევროკავშირში გაწევრება, რომ მიზანია, დახმარება გაენიოთ ამ ქვეყნებს, წამოსწიონ დემოკრატიული პროცესები, ეკონომიკა და ა.შ. ანუ არ უნდა იყოს პოლიტიკური ბმა, რაც ეწინააღმდეგება რეგიონში, განსაკუთრებით სსენებულ სამ ქვეყანაში (საქართველო, უკრაინა, მოლდოვა) არსებულ განწყობებს. ამ კონტექსტში ძალიან მნიშვნელოვანია, ამ სამმა სახელმწიფომ აჩვენოს, რომ ევროპარლამენტის წინა გადამწყვეტილებები, სადაც ეწერა, რომ ამ ქვეყნების ევროპული მისწრაფებები მნიშვნელოვანია და უნდა იქნეს გათვალისწინებული, დადასტურდეს. სწორედ ამ კონტექსტში იყო თაოსნობა მნიშვნელოვანი, რათა პროცესები მხოლოდ ტექნიკური მიმართულებით არ წაივდეს. მით უფრო, რომ ამ ქვეყნებს ასოციირების ხელშეკრულებები აქვთ, რაც ვადებულებებსაც გულისხმობს. და მეტად უნდა დაეხმარო ვალდებულებების მქონე ქვეყნებს, ვიდრე იმათ, რომლებსაც ვალდებულებები არა აქვთ. მიუხედავად იმისა, რომ დღეს ჩვენთვის სასარგებლო მდგომარეობა არ არსებობს, მნიშვნელოვანია, ეს სამი ქვეყანა გამოიყოს და დღის წესრიგში შენარჩუნდეს.

– **ბრძანეთ, არასახარბიელო კონტექსტი ყალიბდება, და ამას რამდენად უწყობს ხელს თავად ამ სამ ქვეყანაში, მათ შორის საქართველოში მიმდინარე პროცესები?**

– როდესაც არსებობს მსგავსი კონტექსტი და ასევე მრავლად არსებობენ სკეპტიკოსები, მათ შორის – საქართველოს მხარეთუბანი, რომლებიც ფიქრობენ, რომ საქართველო არაა ევროპული სახელმწიფო, ჩამოყალიბებული განმტკიცებული დემოკრატიით, მათ მიზანს ამტკიცებს საქართველოს შესახებ ინფორმაცია, რომ ხელისუფლება ცდილობს ძალაუფლების კონცენტრაციას და მესამე ვადით შენარჩუნებას. მათთვის უფრო ადვილი ხდება, დაბლოკონ საქართველოს მისწრაფებები იგივე ნატოსა და ევროკავშირთან დაკავშირებით. ეს ყველაფერი კი საქართველოს შიდა პოლიტიკური პროცესებითაა განპირობებული, რომელიც, თავის მხრივ, უპირველესად საარჩევნო რეფორმას უკავშირდება. ამ რეფორმის დაბლოკვა გავლენას ახდენს, მათ შორის, საქართველოს მეგობრებზეც: ისინიც იმედგაცრუებული არიან, რადგან ხელისუფლება დაპირდა ხალხს, თუმცა აღმოჩნდა, რომ ეს არაფერს ნიშნავს. გარდა ამისა, აკავებენ ერთ-ერთ ოპოზიციურ ლიდერს... ეს საერთაშორისო თანამეგობრობისთვის გამოწვევაა. თან ჩადიხარ ბრიუსელში, ვაშინგტონში, ეუბნები მეგობრებს, რომ ყველაფერს ითვალისწინებ და მეორედ დღეს, არჩევნებამდე რამდენიმე თვით ადრე, აკავებ ერთ-ერთ ოპოზიციურ ლიდერს... ბუნებრივია, მას აქვს უარყოფითი კონოტაცია და აისახება კიდევ სხვადასხვა მთავრობების, კონგრესების და დეპუტატების განცხადებებში. რაც უფრო ახლოვდება არჩევნები, ეს ტონი კიდევ უფრო მწვავედება. უნდა გვახსოვდეს, რომ ამ სახელმწიფოებს საქართველოში საელჩოები აქვთ, ჰყავთ საინფორმაციო წყაროები, ამდენად, ფლობენ ინფორმაციას ქვეყანაში მიმდინარე პროცესების თაობაზე და „ქართული ოცნების“ პო-

გაუჭირდება თუ არა ხელისუფლებას ქალაუფლების შენარჩუნება?!



ზიციონირება, რომ მხოლოდ ინფორმაცი-აშია პრობლემა, რადგან ირად „სირაქლე“ მას პოლიტიკას“ ჰგავს.

– **მოქალაქეებისთვის გასაგებად უნდა განვმარტოთ, რა ხელშეახებ რისკებს აჩენს ეს პოლიტიკა...**

– თუ ხელისუფლება დროულად არ მოეგო გონს, არ დაინო ოპოზიციურ სექტორთან და სამოქალაქო საზოგადოებასთან იმ საკითხების განხილვა, რომელთა ირგვლივაც შეიქმნა პრობლემები, რათა ქვეყანა პოლიტიკური კრიზისიდან გამოიყვანოს, არაა გამოირიცხული, საქართველო თანდათან იზოლაციის გზას დაადგეს: თუ საერთაშორისო საზოგადოებამ ნახა, რომ არჩევნები ჩატარდა დარღვევებით, ხოლო შედეგებს არ ეთანხმება როგორც ქვეყნის მოსახლეობის უმრავლესობა, ისე პოლიტიკური სექტორი, ბუნებრივია, ახალი ხელისუფლების კანონიურობა როგორც ქვეყნის შიგნით, ისე მის ფარგლებს გარეთ კითხვის ნიშნის ქვეშ დადგება. ეს კი სერიოზული პრობლემა საქართველოს სტაბილურობისა და განვითარებისთვის. ევროკავშირმა და შეერთებულმა შტატებმა, შესაძლოა, გადახედონ მრავალმილიონიანი დახმარების პაკეტებს, ასევე უვიზო რეჟიმს. გამოდის, რომ საქართველო ეკონომიკური, სამხედრო და უსაფრთხოების თვალსაზრისით დაუცველი რჩება. და ვინ იღებს პასუხისმგებლობას ქვეყნის დაცვაზე? ჩნდება ორი ვარიანტი: სახელმწიფომ შეცვალოს პოლიტიკა და მოკავშირეებთან მონახოს საერთო ენა, ან შეცვალოს სტრატეგიული გეზი და მოახსოს სხვა მოკავშირე. ჩვენ კი ვიცით, რომ სხვა „მოკავშირე“, რომელიც ამ საკითხებითაა დაკავშირებული, მხოლოდ რუსეთია. ბუნებრივია, ეს სასვებით მიუღებელია როგორც საქარ-

ველოს მოსახლეობის მნიშვნელოვანი ნაწილისთვის, ისე პოლიტიკური სექტორის უმრავლესობისთვის. ვერ ვიტყვი, ეს ყველაფერი შეგნებულად კეთდება თუ შეუგნებლად, თუმცა ეს საქართველოს საგარეო პოლიტიკური კურსის მდგრადობასთან დაკავშირებით რისკებს აჩენს და ამას შეიძლება, მნიშვნელოვანი შედეგები მოჰყვეს.

– **ამ კონტექსტში მახსენდება ბატონი გია ვოლსკის კომენტარი, რომელიც მან აშშ-დან კრიტიკის პასუხად გააკეთა: „არა მხოლოდ საქართველოს სჭირდება აშშ, არამედ რეგიონში მასაც სჭირდება საქართველო“. მსგავსი იმედებზე ხომ არ არის დამყარებული ხელი-სუფლების, ასე ვთქვათ, სიჯიუტე?**

– არასწორი რიტორიკაა: ვფიქრობ, საერთაშორისო პოლიტიკაში საქართველოს

ბოდეს მმართველი პოლიტიკური გუნდის იმედები?

– ვფიქრობ, მმართველ გუნდს ცუდი სამსახური გაუწია ბოლო საპრეზიდენტო არჩევნებში, მიუხედავად იმისა, რომ საერთაშორისო ორგანიზაციებმა განაცხადეს, რომ ეს არ იყო სანიმუშო ჩატარებული არჩევნები და ადგილი ჰქონდა სერიოზულ დარღვევებს. 2020 წლის საპარლამენტო არჩევნები მმართველი გუნდისთვის კიდევ უფრო მნიშვნელოვანია, ვინაიდან რეჟიმის გადარჩენა-არგადარჩენაზეა საუბარი, ისევე, როგორც 2012 წელს იყო და ფასიც გაიზარდა. ხელისუფლება ფლობს ფინანსურ რესურსებს, ოპოზიციური სექტორი საკმაოდ დაქსაქსულია, ამომრჩეველი კი – დათრგუნული. გარდა ამისა, მმართველ გუნდში იმედოვნებენ, რომ საერთაშორისო თანამეგობრობა ვერ მოიცლის, რადგან აშშ-შიც არჩევნებია და ა.შ. მაგრამ აშკარად ჩანს, რომ საქართველოს საკითხებისადმი ყურადღება როგორც ევროკავშირში, ისე აშშ-ში მალაღდონზე ნარჩუნდება. მათ იმედი აქვთ, რომ ეს ტალღა ჩაივლის, მაგრამ ჩვენ ვხედავთ, რომ იგი მხოლოდ ძლიერდება და რაც უფრო მოახლოვდება საარჩევნო დრო, ზენოლაც გაიზარდება.

– **ამ პოლიტიკური ჩიხიდან გამოსავალს რაში ხედავთ?**

– მეგობრების ინტერესი ის კი არაა, არჩევნებში რომელიმე პარტიამ გაიმარჯვოს, არამედ ქვეყანაში შეინარჩუნოს სტაბილურობა. სტაბილურობა კი კონსენსუსის გზით შენარჩუნდება: ოპოზიციამ და ხელისუფლებამ კომპრომისული გამოსავალი უნდა მოძებნონ, მათ შორის – საარჩევნო კანონთან დაკავშირებით, რაც მეტ-ნაკლებად ასახავს ამომრჩევლის გულისყურს. შემდეგ ამაზე დაფუძნებული არჩევნები უნდა ჩატარონ კონკურენტულ გარემოში, სადაც საერთაშორისო დამკვირვებლები იქნებიან ჩართულნი. ეს უნდა იყოს ძალიან ღია, გამჭვირვალე არჩევნები. საქართველომ კიდევ უფრო უნდა განამტკიცოს მდგომარეობა, რაც მას რამდენიმე წლის განმავლობაში ჰქონდა (ვგულისხმობ ხელისუფლების არჩევნების გზით ცვლილებას). ასეთივე მაგალითის განმეორება გეჭირდება, რათა თავი დაევიკვიდროთ, როგორც ელექტორალურმა დემოკრატიამ. საქართველოს აქვს იშვიათი შანსი, საერთაშორისო საზოგადოების თვალში სახელი განამტკიცოს და ეს არ გამოვა ძალაუფლების ჩაბლაუჭების გზით.

– **როგორ ფიქრობთ, თავად ამ მდგომარეობაზე განხორციელებული მძიმე დარტყმების ფონზე, რაც ცალკეულ ნაბიჯებში გამოიხატა, ეს საკითხი მმართველ გუნდში იყურადღებებთ?**

– მართალია, არ იმჩნევენ, მაგრამ საკმაოდ მტკივნეულად განიცდიან საერთაშორისო საზოგადოების მხრიდან მომდინარე კრიტიკას. ეს ბუნებრივიცაა, რადგან საქართველო დამოკიდებულია მეგობრებზე და საერთაშორისო თანამეგობრობის პოზიციებზე, მათ შორის – დეოკუპაციის, ფინანსურ და უამრავ სხვა საკითხთან. პრობლემა იმაშია, რომ საკუთარი „ტყავის“ გადარჩენა უფრო მნიშვნელოვანი ჰგონიათ. საქართველოს ყველა ხელისუფლებას ჰქონდა მსგავსი ცდუნება, მით უფრო, რომ მათ იციან ქართული პოლიტიკის დაუნდობელი ბუნება – თუ რეჟიმის ცვლილება მოხდა, იწყება „პოლიტიკური ვენდეტა“. ეს, ალბათ, კიდევ უფრო ამძაფრებს ხელისუფლების შენარჩუნების ჟინს. მაგრამ თუ ხალხს გაუჩნდა უსამართლობის განცდა, შესაძლოა, ქუჩაშიც გავიდეს და ხელისუფლებას ძალიან გაუჭირდება ძალაუფლების შენარჩუნება. ნებისმიერი რევოლუციური სცენარი ნამგებია საქართველოს საერთაშორისო თანამეგობრობაში ინტეგრაციის თვალსაზრისით.

კარლ კარსელი: დიალოგი პოლიტიკური პოლარიზაციის შემსუბუქების საშუალებაა

– ამის შესახებ საქართველოში ევროკავშირის ელჩმა კარლ კარსელმა ჟურნალისტებთან საუბრისას განაცხადა. მან მხარეებს საარჩევნო კანონმდებლობის შესახებ მოლაპარაკებების სწრაფი განახლების შესახებ მოუწოდა და განაცხადა, რომ კანონმდებლობაში ცვლილებების შესატანად სულ უფრო ცოტა დრო რჩება.

„ამ ეტაპზე სიტუაცია რთულია, მაგრამ შესაძლებლობები განხილვას ვაგრძელებთ. უნდა აღვნიშნოთ, რომ დრო იწურება. კანონმდებლობაში მნიშვნელოვანი ცვლილებების შესატანად მოქმედება სწრაფად უნდა დაიწყოთ. დროს ფანჯარა იხურება, მაგრამ ჩვენ ყველა მხარესთან დიალოგს განვაგრძობთ, რადგან აბსოლუტურად დარწმუნებული ვართ, რომ წარმატებული დიალოგი პოლარიზაციის შემცირების საუკეთესო საშუალებაა“, – განაცხადა კარსელმა.



ცხინვალში შექმნილი სასურსათო კრიზისის ფონზე პროდუქცია გაძვირებულია ოკუპირებული ახალგორის მაღაზიებშიც. ნახევრად დაცარიელებულ დაბაში ადგილობრივი მოსახლეობა ძირითადად სოფლის მეურნეობის პროდუქტებით იკვებება. „რადიო თავისუფლების“ ახალგორელი წყაროების ცნობით კი, დაბაში უკვე ჩადავს ცხინვალში მენარმეები და მოსახლეობისგან კარტოფილსა და შინ დამზადებულ რძის პროდუქტებს ყიდულობენ, შემდეგ კი ცხინვალში მიაქვთ და იქ ყიდიან. ქვემო ზარამაგთან რუსეთის საბაჟოზე შექმნილი პრობლემების შემდეგ ზოგიერთმა მენარმემ გამოსავალი მოძებნა: სატვირთო მანქანებიდან ტვირთებს მსუბუქ მანქანებსა და მიკროავტობუსებში ტვირთავენ და რუსეთის საბაჟოზე მათ, როგორც ხელბარგს, ისე ატარებენ. იქაური კანონმდებლობით, თითო მოქალაქეს 50 კილოგრამი ხელბარგის გადატანა შეუძლია, ამიტომ მენარმეები ნათესავებისა და მეზობლების სიებით დადიან, 50-50 კილოგრამს აფორმებენ მათზე და ამ გზით შეაქვთ ცხინვალში რუსეთის პროდუქცია. ამასობაში ახალგორის გამგებები პუნქტი ჩაკეტეს, თბილისიდან ცხინვალამდე ტვირთის ჩატანა კი ბევრად მარტივად და შედარებით დაბალ ფასად შეიძლება, თუმცა ბიბილოვის ხელისუფლება ამ ნაბიჯს ჯერ არ დგამს.

ცხინვალში სასურსათო მაღაზიები პროდუქტისგან ცარიელდება. ვიტრინებში და თაროებზე რძის პროდუქტები საერთოდ აღარ ჩანს, დეფიციტია ბურღულეულსა და ბავშვთა კვების პროდუქტებზე. ადგილობრივი ტელევიზიით აღარც მალავენ, რომ კრიზისის ნიშნებია. მზადდება რეპორტაჟები იმის შესახებ, რომ მაღაზიები უკვე ბოლო მარაგებს ყიდიან. დე ფაქტო რესპუბლიკის ტელევიზიით გავიდა რეპორტაჟი, სადაც ნაჩვენებია იყო, როგორაა დაცარიელებული მაცივრები რძის პროდუქტებისგან.

რუსეთის ფედერაციიდან ცხინვალში პროდუქტების შეტანისას პრობლემები ორ კვირაზე მეტია, რაც გაჩნდა.

რუსეთის მუბაჟეები ცხინვალისკენ მიმავალ ტვირთებზე ითხოვენ ევროპული საბაჟო კავშირის შესაბამისი დოკუმენტაციის გაფორმებას, ცხინვალელი მენარმეები კი ირწმუნებიან, რომ ამის გაკეთება შეუძლებელია, რადგან დე ფაქტო რესპუბლიკის საბაჟო და მოსახლეობა იმდენად მცირეა, რომ იქ მხოლოდ მცირე რაოდენობის პროდუქცია შედის, ზოგიერთ მანქანაში ხანდახან ასამდე დასახელების პროდუქტია და მათზე სათითაოდ ვერ გაფორმდება ვერც ნარმომავლობის სერტიფიკატი და ვერც ექსპორტის დოკუმენტაცია. შენუხებულმა მენარმეებმა ცხინვალის ცენტრშიც არაერთხელ მოიყარეს თავი, რომ ადგილობრივი ხელისუფლებისთვის დახმა-

რება ეთხოვთ. ბიზნესმენები უკმაყოფილებას გამოთქვამდნენ იმის გამო, რომ ბიბილოვის ხელისუფლება ტვირთების გადაადგილებისას წარმოქმნილ პრობლემებს რუსეთის ფედერაციის ხელისუფლებასთან ვერ აგვარებს. უკვე წლებია, ცხინვალელ ბიზნესმენებს ეს პრობლემები აწუხებთ და საბაჟო რეჟიმის პერიოდული შერბილება თუ ხდება, საერთო ჯამში, ეს ვერ ხსნის პრობლემას. მათ დე ფაქტო რესპუბლიკის პარლამენტის თავმჯდომარე აღან დატდაევი შესვდა, რომელმაც მხოლოდ ის თქვა, რომ წერილი გაგზავნეს კრემლში და რუსეთის ფედერაციის მთავრობას საბაჟო რეჟიმის შერბილება სთხოვეს.

ცხინვალის მედიის ცნობით, მედიკამენტების სიმცირე უკვე აფთიაქებშიც შეინიშნება. ამ ფონზე დე ფაქტო შინაგან საქმეთა სამინისტრომ აფთიაქებში რეიდები ჩატარა ქართული წარმოების წამლების აღმოსაჩენად.

ოკუპირებულ ცხინვალის რეგიონში ქართული წარმოების პროდუქტის, მათ შორის სამედიცინო პრეპარატების გაყიდ-

ვა აკრძალულია დე ფაქტო მთავრობის სპეციალური დადგენილებით.

რადიო „თავისუფლების“ პროექტ „ქსო კავკასიას“ ინფორმაციით, ბევრი ცხინვალელი ადასტურებს, რომ ადგილობრივი ექიმები მათ სწორედ ქართულ ბაზარზე არსებული სამედიცინო პრეპარატების ყიდვას ურჩევენ, რადგან თვითალიარებული რესპუბლიკაში ხარისხის კონტროლის არანაირი მექანიზმი არ არსებობს. ოკუპირებულ რეგიონში მედიკამენტები ძირითადად რუსეთიდან შეაქვთ.

კონფლიქტოლოგი ზურაბ ბენდიანაშვილი რადიო „თავისუფლებასთან“ საუბარში აცხადებს, რომ შექმნილი კრიზისი კიდევ ერთხელ აჩვენებს დე ფაქტო სამხრეთ ოსეთის ე.წ. დამოუკიდებლობის აბსურდულობას. მისი აზრით, ეს პრობლემები ქვემო ზარამაგზე რუსეთში საკადრო ცვლილებების შემდეგ დაიწყო და მისი გადაჭრის გზაც არ ჩანს. ბენდიანაშვილის აზრით, დე ფაქტო ხელისუფლებას ადგილობრივი ბაზრის შესავსებად ახალგორის გზის გახსნის ვარიანტი აქვს, მაგრამ ამას მოსკოვის დაუკითხავად ვერ აკეთებს.

ბოზა აფციაური

უკანსუხისმგებლო, გაუთვლელი გადაწყვეტილება

ჯანდაცვის სამინისტროს ცხელი ხაზი 15 05 ფასიანი გახდა. როგორც სამინისტროს ცხელ ხაზზე აცხადებენ, უწყებაში დარეკვა მობილური ტელეფონიდან ყოველთვის ფასიანი იყო, ქალაქის ნომრიდან დარეკვა კი ფასიანი აღსაზნა გახდა და ამას კომპანია „სილქნეტი“ განსაზღვრავს.

ჯანდაცვის სფეროს ექსპერტი სერგო ჩიხლაძე აცხადებს, რომ ეს ფაქტი არაფერში არ წერია. „ეს არის აღმსვლოთეული, ეს არის საკუთარი ხალხის გასაჭირის უგულვებლყოფა. ცხელი ხაზის ფუნქციაა, რომ ხალხი რეკავს მაშინ, როდესაც უჭირს. ეს იგივეა, ხანძრის დროს ფასიანი იყოს საშველო და ადამიანმა ვერ დარეკოს. აქ რეკავს ადამიანი, ვისაც სოციალური ან ჯანდაცვის მხრივ გაჭირვება აქვს. ამისთვის იყო შექმნილი. ცხელი ხაზი თუ ფასიანი გახდა, ეს იქნება უდიდესი ბარიერი ადამიანებისთვის, რადგან იზღუდება ფინანსური ხელმისაწვდომობა. თუ ეს ფასიანი გახდა, ეს არის ჩვეულებრივი კომერციული მომსახურება. ეს არის უბასუხისმგებლო, გაუთვლელი გადაწყვეტილება“, - აცხადებს ჩიხლაძე.

პარლამენტის ჯანდაცვის კომიტეტის ყოფილი თავმჯდომარე აკაკი ზოიძე „კომერსანტი“-თან აცხადებს, რომ მას ამის შესახებ არასდროს სმენია და ეს გადანყვეტილება უპირაინი ნამდვილად არ არის. „ჯანდაცვის სამინისტრომ ეს გადაწყვეტილება რატომ მიიღო, აუცილებლად უნდა განმარტოს. ალბათ საკმაოდ დიდი თანხა ჯდება-

და, სამინისტროს ბიუჯეტს თანხები შეეკვეცა თუ რა მოხდა, არ ვიცი, ეს უნდა განმარტონ“, - აცხადებს ზოიძე.

„საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს ცხელი ხაზი წარმოადგენს კომპანია „სილქნეტის“ აბონენტს ნომრით 5 51 00 26; 2 51 00 33 და 1505, შესაბამისად ამ ნომრებზე დაკავშირება ხდება კომპანია „სილქნეტის“ მიერ დაწესებული ტარიფით. მოქალაქეებს მობილური ოპერატორებიდან და სხვა სატელეფონო-საკომუნიკაციო ქსელიდან ცხელ ხაზთან დაკავშირების დროს თანხა ეჭრებოდათ იმ ხელშეკრულების საფუძველზე რაც არის დადებული კომპანია „სილქნეტის“, სატელეფონო-საკომუნიკაციო ქსელსა და მობილურ ოპერატორებს შორის, მოქალაქეთა მხრიდან იყო პრეტენზია, რატომ არ იყვნენ ინფორმირებულნი ამის შესახებ, თუმცა ამ პრინციპით მიმდინარებდა დაკავშირება 1505-ზე ცხელი ხაზის დაარსების დღიდან. აქედან გამომდინარე საჭირო გახდა ცხელი ხაზის ინტერაქტიული მისაღების ტექსტი შესულიყო ცვლილება, კონკრეტულად დაემატა წინადადება, რომ ცხელ ხაზთან დაკავშირება ფასიანია, ანალოგიურად ხდება მოქალაქის ინფორმირება, იმის შესახებ, რომ მისი საუბარი ცხელ ხაზთან იწერება“, - განმარტავენ ჯანდაცვის სამინისტროში.

სოფო ძსოვრელი ბარო ადამია



კახეთის რეგიონში გასული საუკუნის 90-იან წლებიდან განადგურებული სარკინიგზო ინფრასტრუქტურის აღდგენაზე ლაპარაკი „ქართულმა ოცნებამ“ ჯერ კიდევ ხელისუფლებაში მოსვლამდე დაიწყო. 2012 წლის ოქტომბრის დასაწყისში, თელავში საარჩევნო კამპანიის დროს, კოალიცია „ქართული ოცნების“ ლიდერმა ბიძინა ივანიშვილმა ასეთი რამ განაცხადა: „კახეთისთვის რკინიგზის რეაბილიტაცია ძალიან მნიშვნელოვანი საქმეა. ჩვენ ამ საქმესაც მივხედავთ და კახეთს ნორმალური ცხოვრების საშუალებას დავუბრუნებთ.“

ამ განცხადებიდან 4 წლის შემდეგ, 2016 წლის ოქტომბერში, „საქართველოს რეფორმების ასოციაციის“, GRASS-ის მიერ შექმნილი „ფაქტ-მეტრი“ წერდა, რომ დაპირება ბიძინა ივანიშვილს თელავში, რეგიონულ მედიასთან შეხვედრაზე შეახსენეს და პასუხად მიიღეს: „არფერი არ გაკეთებულა რკინიგზის მიმართულებით? მე კიდევ ვიცი, რომ ბევრი სამუშაოები მიდის...“

კიდევ დაახლოებით ორი წლის შემდეგ, 2018 წლის მარტში, მაშინდელმა პრემიერ-მინისტრმა გიორგი კვიციანიშვილმა კახეთში ყოფნისას ასეთი რამ თქვა: „ტურიზმი რკინიგზის გარეშე არის წარმოდგენილი. კახეთის მიმართულებით ჩვენ გვაქვს რკინიგზა, რომელიც ჯერ კიდევ არ არის ბოლომდე განადგურებული და სახელმწიფომ აუცილებლად უნდა იფიქროს იმაზე, რომ ეს რკინიგზა აღდგეს.“

ამ განცხადებიდან დაახლოებით სამ თვეში გიორგი კვიციანიშვილი პრემიერ-მინისტრის თანამდებობიდან გადადგა.

მას შემდეგ რკინიგზის აღდგენაზე რამდენჯერმე ილაპარაკა სახელმწიფო რწმუნებულმა კახეთის რეგიონში ირაკლი ქადაგიშვილმა და საჯარო განცხადებებს დეტალებიც შესძინა. მაგალითად, ის, რომ რკინიგზა „აზიის განვითარების ბანკის“ ჩართულობით აღდგებოდა და პროექტი მზად იქნებოდა 2019 წელს.

2020 წლის თებერვალში ირაკლი ქადაგიშვილი გვეუბნება, რომ ადრინდელი განცხადებები პერსპექტივას ეხებოდა, ეკონომიკურმა გათვლამ სხვა სურათი აჩვენა და კახეთში რკინიგზის აღდგენა ამ ეტაპზე არ იგეგმება.

სახელმწიფო რწმუნებულის თქმით, სხვადასხვა უწყებასთან, მათ შორის „საქართველოს რკინიგზასთან“ ბევრი იმსჯელებს და ვერ დაადგინეს პროექტის განხორციელების მიზანშეწონილობა: „არანაირი ეკონომიკური გათვლით დღეს არ ხერხდება რკინიგზის თემის აქტუალიზაცია. ამიტომ, ამ ეტაპზე რაიმე ხელშეწყობის სიახლე რკინიგზის რეაბილიტაციასთან დაკავშირებით არ არის.“

შეკითხვას, რას ეფუძნებოდა ადრინდელი განცხადებები და რატომ გააჩინეს მოლოდინი? ირაკლი ქადაგიშვილმა უპასუხა: „ამ განცხადებით იყო გამოღვანებული პერსპექტივა, ხედავ, რა არის კარგი და მნიშვნელოვანი, მაგრამ ყველაფერს აქვს თავისი ეტაპობრივი გან-

ხორციელების პირობები. ამ ეტაპზე არის ეს.“

კახეთში თითქმის მთლიანად მოშლილი სარკინიგზო ინფრასტრუქტურის აღდგენის იდეას თავიდანვე სკეპტიკურად უყურებდა „ლეიბორისტული პარტიის“ რეგიონული ორგანიზაციის ხელმძღვანელი ნიკა ვარდოშვილი.

ნიკა ვარდოშვილი სახელმწიფო რწმუნებულს ურჩევს, საჯარო განცხადებებამდე საკითხები საფუძვლიანად შეისწავლოს: „ირაკლი ქადაგიშვილის განცხადებები არის აქტივობები აქტივობებისთვის. რა თქმა უნდა, კახეთს რომ რკინიგზა ჰქონდეს, ტვირთბრუნვისთვის და ეკონომიკისთვის ძალიან კარგი იქნება, მაგრამ ეს დაკავშირებულია ძალიან დიდ თანხებთან. ბიძინა ივანიშვილს როდესაც 2012 წლის მერე ახსენებდნენ და ნაპირებებს, ას ქარხანაზე და სხვაზე, იქნებ, იქნებ დაამოკიდებოდა და დაჭარბებული იყო და ნამოგვცდაო. აი, ამას მახსენებს დღეს კახეთის გუბერნატორის განცხადება, რომ თურმე, შეუსწავლიათ და მომგებიანი არ ყოფილა ეს პროექტი.“

კახეთის რკინიგზის ხაზი გურჯაანის, თელავის, დედოფლისწყაროს, საგარეჯოს და კაჭრეთის სადეტურებს აერთიანებს. თბილისიდან კახეთისკენ და პირიქით, გასული საუკუნის 90-იანი წლების დასაწყისში სამდე აქტიურად მოძარაგდნენ როგორც სამგზავრო, ისე სატვირთო მატარებლები. კახელები სარკინიგზო მიმოსვლის აღდგენას ოცნელზე მეტია ითხოვენ...

გიორგი ალადაშვილი



უგულავა „იგულავა“?!..

არის, ასრულდა!



ბუბუბუ ჩხარა!

ბიხაროდენი

დღეს ვანო მერაბიშვილი „სვაბო-დაზე“ გამოდის!

დიახ, სისხლიანი ერთიანი ნაციონალური მოძრაობის ხერხემალმა შვიდწლიანი „სროკი“ მოიხადა და თანამზრახველებს პირნათელი უბრუნდება.

მართალია, მარტვილობის დასაწყისში ერთი კი დაინუნუნა, ფარცხალაძის კაბინეტში ღამით თავზე ტომარაჩამოცმული მიმბრძანესო, მაგრამ ზოგი „პოლიტპატიმრისგან“ განსხვავებით, შედარებით ღირსეულად გამოიყურებოდა და დღეებს უხმაუროდ ითვლიდა.

თუმცა, რატომაც არა – ნაციონალური ბნელეთის მოციქულს ისეთ სასათბურე პირობებში მოუწია ოთხ კედელში მარტოობა, მისივე ზეობის პერიოდის ტუსაღებს რომ არც კი დაესიზმრებოდათ.

დიახ, ევროსაკანია, აბა, რა, როცა ინტერნეტიც, ტელეფონიც, მხატვრული ლიტერატურაც და მრავალი სხვა ამქვეყნიური სიამეც მყუდრო გარემოს რომ გიმშენიერებენ.

თუმცა, არის საკითხი, რომელიც ორ გვამზე მეტს ექსპრემიერს ვითომ მშვიდ ძილს რომ უნდა უფრთხობდეს. საუბარია იმ ფაქტზე, ერთმანეთს მესხეთის კათოლიკე შვილის განთავისუფლება და საქართველოს გენერალურ პროკურორად ირაკლი შოთაძის მეორედ არჩევა რომ დაემთხვა.

მართლაც, სავარაუდოა, რომ ეს უკანასკნელი ჩვეული უკომპრომისობით დაუბრუნდება თაროზე შემოდებულ ვარდ-ყვავილოვანი ხელისუფლების მაღალჩინოსანთა საგმირო საქმეებს, სადაც, მოგეხსენებათ, ბოძინა ივანიშვილის ყოფილი „პირადი ტყვე“ კიდევ არაერთ სკანდალურ ეპიზოდში ფიგურირებს.

ჰოდა, საინტერესოა, როდემდე მოასწრებს ის ასე მონატრებული სუფთა ჰაერის ყლაპვას.

ბია პლატონიშვილი

მკარანიდან თუ ამდენ საოცრებებს მომასწრებდნენ ეს მოლაყბე, ტენდენციური, მატყუარა, დიდი ალბათობით მოსყიდული ტელევიზიები, ნამდვილად ვერ წარმოვიდგინებდი ეს ქნება, პირველ რიგში, ყოფილი „რუსთავი-2“-ის მიერ გამოჩევილ და გაორმაგებულ სატელევიზიო არხებს: „მთავარს“ და „ფორმულას“. აგრეთვე: „ტვ პირველს“, „კავკასიას“ და სხვებს. ოპოზიციური პარტიები დააანონსებენ თუ არა, ამა და ამ რიცხვში, ამა და ამ დღეს, ამა და ამ საათზე რუსთაველზე საპროტესტო მიტინგს ვმართავთო, ტელეჟურნალისტების სიხარულს საზღვარი არა აქვს! გაუჩნდებთ გადასაღები მასალა – ხშირად მთელი დღე ამ მიტინგებს აჩვენებენ, ეკრანიდან არ ჩამოდიან და ინტერვიუს იძლევიან მიტინგის ლიდერები, ცნობილი თუ ახლად გამოჩევილი გალიდერებული პოლიტიკური „სახეები“. ისინიც გაჰყვიან, იმუქრებიან, იგინებიან, ერთ წინადადებაში ლამის სამჯერ წარმოთქვამენ „ივანიშვილს“, ჩვენა ვართ, რაცა ვართო, ქართველი ხალხი და მთელი მსოფლიო ჩვენ გვიჭერს მხარსო, მალე პოლიტიკურ მოუსაველეთში გაგზავნით ამათო და ა.შ. ოპოზიციური პარტიებს არ ჩამორჩებიან ჩვენს ქვეყანაში სოკოებვით მომრავლებული და უხვად დაფინანსებული არასამთავრობო ორგანიზაციები. მათი ლიდერებიც ასევე ეკრანიდან არ ჩამოდიან, გვმოძღვრებენ, იურიდიულ „ნიუანსებს“ გვასწავლიან. შარშან ოკეანისგალმელი პატრონებისაგან გამოყოფილი 16 მილიონი(!) სომ უნდა აითვისონ; ათასნაირ ხერხებს და პლაკატებს იგონებენ და ათვალსაჩინოებენ ეკრანზე, რომ ჩათვალათ „მოღვაწეობა“. შეურაცხყოფას აყენებენ რელიგიურ წმინდანებს, ხატებს და მათ ადგილზე „ქართული ოცნების“ ლიდერების ფოტოსურათებს ამაგრებენ. პლაკატი „სირცხვილია“ გამოაქვთ, როცა თვითონ არიან უსირცხვილოები. ცხვრებიც კი მირეკეს პარლამენტის წინ იმის სიმბოლოდ, თითქოს პარლამენტარები და მთავრობის წევრები მონები და ცხვრები ხართ ივანიშვილისო...

ხშირად ტელეჟურნალისტები თვითონ ამძაფრებენ ვითარებას, დრამატულს ხდიან; მაგალითად, ეკითხებიან „რესპონდენტებს“: საპროტესტო აქციებს ხომ მუდმივად გააგრძელებთო, მუხტს ხომ არ დააგდებთო. ისინიც უპასუხებენ: არა, რასაკვირველია, უფრო მძაფრად შევუტევთო! სადმე რალაც ჩოჩქოლი რომ ატყდება, შეშფოთებული ხმით გარბის მიკროფონიანი ჟურნალისტი და ოპერატორს აჩქარებს: აი, იქ რალაც ხდება, ვაჩვენოთო. მოვლენ და არაფერი ისეთი იქ არ ხდება, მხოლოდ განეგამონევა და გინება ისმის. მაგინებელთან უფრო ახლოს მიაქვთ მიკროფონი. აყალმაყალს გამოკიდებულ ტელევიზიებს ძალიან უნდათ, რომ იყოს ჩხუბი. დასისხლიანება, პირველმა გადაიღონ ესა თუ ის კადრი. თვითონ არანაირ შეფასებას არ აძლევენ მოვლენებს, ამა თუ იმ პირის ნათქვამს. ეს არის მათი ჟურნალისტობა და მიუკერძოებლობა? (მაგრამ ცნობილია, მიუკერძოებლობა მყისვე ქრება იქ, სადაც მოსყიდვა ხდება!).



დედი ინტერვიუ: ჩემს ხალხს უჭირდა და ვეხმარებოდიო (ბუნებრივია, არც თავის თავს ივინყებდა!) იმას აღარ ამბობს, ამ ხალხს არჩევნების წინ რომ ეხმარებოდა, რათა ნაციონალურს გაემარჯვებოდა ჩვენებში! სააკაშვილის ზეობის დროს ნაციონალურების ლიდერები, რომ იტყვიან, „ბაირამობდნენ“. აბა, როგორ მოგწონთ, გიგიმ თავისი მეუღლე სამშობიაროდ რომ გადააფრინა ვენაში (ავსტრიაში) და ამ თვითმფრინავს კიდევ თავისი გულშემატიკვრებით „სასვე“ ორი თვითმფრინავი გაჰყვა, თანაც ეს ყველაფერი – ბიუჯეტის ხარჯით! და ეს მაშინ, როდესაც საქართველოს არცთუ ცოტა შიმშილობდა და პურის ფულის საშოვნელად ქუჩაში სავაჭროდ იყვნენ გამოსულელები სიცხეში და სიცხეში!

ამ ინტერვიუს დროს გიგის გვერდით წარბეჭეტილი შალვა ნათელაშვილი იდგა, რომელმაც თქვა: „პირსისხლიანმა დიქტატორმა გადალახა წითელი ხაზები. მესამედ დააპატიმრა ოპოზიციის თვალსაჩინო ლიდერი გიგი უგულავა და ის ემზადება რეჟიმის ციხეში წასასვლელად“. როგორ მოხდა,

რომ შალვამ სხვა დაასახელა „თვალსაჩინო ლიდერად“? საკვირველი ის არის, რომ ადრე შალვამ გიგის მეუღლის მშობიარობის ავსტრიაში „ვიოი-ჟი“ და ფულების ხარჯვა მთელ ქვეყანას მოჰვინა და სულ ხელზე ჰქონდა დახვეული ეს ფაქტი, ახლა კი მის გვერდით დგას და მას აქებს და ადიდება! რა არის ეს, თუ არა ქამელეონობა? რატომ ხდება ჩვენს ქვეყანაში პოლიტიკოსების ასეთი სახეცვალება? ლეიბორისტების ოფისში შეკრებილი ოპოზიციური პარტიის ლიდერები განა გუშინ და გუშინწინ არ იყო, ერთმანეთს რომ ლანძღვდნენ, აფურთხებდნენ და პოლიტიკურად ამათრახებდნენ? ახლა კი ერთად სხედან! რა არის ეს, თუ არა „გადაფურთხებულის ალოკვა?!“ ამ დამცირებას კი მხოლოდ იმიტომ მიმართეს, რომ სახელისუფლო თუ საპარლამენტო სავარაძლებში როგორც მკოკალათდნენ! ხალხი კი ყველას ფეხებზე ჰკიდია!


დიახ, ციხეში წამსვლელი გიგი უგულავა ფაქტობრივად გმირად შერაცხეს ჩვენმა ტელევიზიებმა! ამ კადრს ვინც უყურა, ჟურნალისტების მრავალტანჯული ხმაც ხომ გახსოვთ? ადრე გიგიმ 1 წელი და 3 თვე მოიხადა ციხეში უფლებამოსილების გადამეტებისთვის; ახლა გაფლანგვისთვის, ანუ ქურდობისთვის 3 წელი და 2 თვე უნდა იჯდეს ციხეში (შეიძლება, უფრო ადრეც გამოუშვან). მკითხველს შეეახსენებ, რომ სწორედ სააკაშვილის და უგულავას რეჟიმის დროს, მაგალითად, ქათმის ქურდს იმდენ წელს უსჯიდნენ, რამდენ ქათამსაც მოიპარა: სამი ქათმის ქურდს – სამ წელს, ათი ქათმის ქურდს – 10 წელს და ა.შ. ახლა მითხარით, 48 მილიონში რამდენი ქათამი მოვა? თქვენ გამოიანგარიშეთ, ამის მიხედვით რამდენი წელი ეკუთვნის გიგის?

ზევით აღვნიშნე, გეგონებოდათ, გიგი დასასვენებლად მიდისო! აბა, რა გგონიათ, ქართულ ციხეში კეთილმოწყობილ პირობებს არ შეუქმნიან გიგის, ისევე როგორც ვანო მერაბიშვილს ჰქონდა და აქვს ასეთი პირობები? საერთოდ, ქართულ ციხეებში პატიმრებს თურმე ისე მონივრებით ექცევიან და ისე მაძღრისად კვებენ, რომ გარეთ მყოფ თუნდაც აკადემიკოსებს ნამდვილად ენატრებათ მათი ყოფა.

ასე რომ, გიგი უგულავა ციხეში ადრეც „გულაობდა“. ციხის გარეთაც ხომ „გულაობდა და გულაობდა“ და „ვითომ საპყრობილეში“ ახლაც ასევე „იგულაობდა“ და „იგულავებს“?!

ჩვენ ჩვენი ვიკითხოთ, თორემ...
უზანგი ჯანგირაშვილი
ქ. ბორჯომი

რატომ დაუჩიქა სულხან მოლაშვილის მამამ უსრნალისტს?



„დღეს ბატონმა თამაზ მოლაშვილმა დამირეკა – სააკაშვილის რეჟიმის, პირადად გიგა ბოკერიას მიერ ნაწამები, ან გარდაცვლილი სულხან მოლაშვილის მამამ...
რა მითხრა, იცით? – ზაზა, დადეთ ფოტო, რა მდგომარეობაში გამოვიდა ციხიდან ჩემი სულხანი და რა მდგომარეობაში – გიგი უგულავა თავისი პირველი პატიმრობიდანო... ხალხმა შეადა-

როს, ვის როგორ პირობებში უწევს ციხეში ყოფნა... გიგი ლმერთმა აცოცხლოს და მოანანიებინოს ცოდვები! გარდაცვლილი სულხანის ფოტოს გვერდით მოვერდიდები მისი ფოტოს დადებას. მაგრამ აი, სულხანის ყოფილი ადვოკატი შალვა შავგულიძე და სულხანის მწამებელი გიგა ბოკერია ერთ პარტიაში რანაირად ძლებენ გვერდიგვერდ, მაინც მიკვირს!“ – ნერს ზაზა დავითაია.

ბია პოლსკიმა ოპოზიციას „სკუნსთა მოღვა“ უწოდა

პარლამენტის ვიცე-სპიკერმა ბია პოლსკიმა ოპოზიციის პერფორმანსები გააკრიტიკა. მისი თქმით, საერთაშორისო ექსპერტებიც აღიარებენ, რომ მიხეილ სააკაშვილის მთავრობამ რუსეთს საქართველოს დიდი ნაწილი ჩააბარა. მისი თქმით, ნებისმიერი პოლიტიკური ძალა, ვინც

მათ გვერდით დგას, საქართველოს ოკუპაციის საკითხზე პასუხისმგებლობას იზიარებს.
„თუ ვინმეს ნიშნის მოგებით უნდა ისაუბროს ან რუსეთთან ურთიერთობაზე ან ქართული ინტერესების დათმობაზე, ნამდვილად არ არიან ის პოლიტიკური ძალები, რომლებიც მეგაფონების გარეშე არიან გაერთიანებული და პირში ეს სასტვენები უდევთ და ამ ტელემიკროფონებით დასდევენ ხალხს. ესენი არიან ზონდერები, რომლებმაც თავის დროზე ჩაიდინეს მძიმე დანაშაული. გარდა ამისა, თუკი ხატოვნად ვიტყვით, ეს არის რალაც სკუნსთა მოღვა. მათ არა მარტო მეგაფონით გვიყვირეს, არამედ საშინელი სუნი დააყენეს და შემდეგ გავიდნენ დარბაზიდან. ახლა მეგაფონებით შემოვარდნენ. აი, ეს არის მათი სახე, მაგრამ ამის უკან კიდევ უფრო სერიოზული დანაშაულები დევს, რასაც ქვეა სახელმწიფოს ეროვნული ინტერესების გაყიდვა პირად ინტერესებზე“, – განაცხადა ბია პოლსკიმა.
მკითხველს შევახსენებთ, რომ სკუნსი ერთ-ერთი ყველაზე მყრალი ცხოველია!

ბავშვობა

წმ მოამარაგებთ ბავშვებს მზამზარეული ფორმულებით, ფორმულები სიცარიელეა, გამდიდრეთ ისინი სახეებითა და ნახატებით, რომლებმაც დამაკავშირებელი ძაფები ჩანს. ნუ დაამძიმებთ ბავშვებს ამბების მკვდარი ტვირთით, ასწავლეთ ილეთები და ხერხები, რათა ცხოვრებაში გზის გაწალდვა გაუადვილდეთ.

ამჟამინდელ მხოლოდ ერთი რამ მტკენს გულს – არ მინდა, რომ მოზრდილი ვხდები.

ბავშვობა ის ზღვარდაუდებელი მხარეა, საიდანაც ყველანი მოვლივართ. ვისი მოდგმისა ვარ? წარმოშობით ჩემი ბავშვობიდან ვარ, თითქოს რომელიმე ქვეყნიდან მოვდიოდე...

დედაინა, მყოფიო, გუნება

დედაინა უბრალო ცთომილი არ გეგონოთ, დედამინაზე ითვლიან ასეთნაირად ხელმწიფეს (ცხადია, აფრიკელთა), შვილი ათას გეოგრაფიას, ცხრა ათას ბიზნესმენს, შვიდნახევარ მილიონ ლოთ-მებრუნეს, 311 მილიონ ამპარტავანს – დაახლოებით ორ მილიარდ ასაკოვანს.


წყალო! არცნა გემო გაქვს, არცნა ფერი, არცნა სუნი, შენი აღწერა შეუძლებელია, გეწაფებიან, ტკბებიან და არ უწყიან, რა ხარ. მარტო აუცილებელი რამ კი არა ხარ სიცოცხლისთვის, შენ თავად ხარ სიცოცხლე. შენთან ერთად ყოველსავე არსებულში იღვრება ნეტარება, რის ასხნაც არ ეგების მარტოდენ ჩვენი ხუთი გრძნობით. შენ გვიბრუნებ ძალასა და სუყოველ თვისებას, რომელთაც ჯვანს დავუსვამდით. შენი წყალობით კვალად აჩქევდნენ დამპრალი გულის წყაროები.

დასასრული. დასაწყისი № 15-30

„ყველა გზას ადამიან ებადრე მიუყავს“,

- ასე ამბობდა ანტუან დე სანტ-ეჟიუპერი

ფრანგული ტექსტი ქართულად გადმოაქნა გურამ გოგიაშვილმა



დედაინა გვეხმარება ჩვენი თავის შეცნობაში ისე, როგორც ვერც ერთი წიგნი დაგვეხმარება. რამეთუ დედამინა გვეწინააღმდეგება.

მშაპამ უწყის, დასახლებულია ცდომილი ესე თუ არა?

მინამ თავად უწყის, რა თესლიც ეჭირვება.

ზღვაში როს ჩაედინებდა, მდინარეები სიმშვიდეს იძენენ.

რე კარვად დაკრიალებულია დედამინა, როცა სამი ათასი მეტრის სიმალიდან დაჰყურებ. ყველაფერი თავის ადგილზეა, როგორც რომ სათამაშოები ყუთში, სახლები, ახსები, გზები – მოზრდილთა სათამაშოები ბედ-სვიანი, მცირედ დაუჯრედებელი: სუყოველი მინდორი მოჩანრობულია, სუყოველ პარკს გალავანი აკრავს. აგერ კარ-

კასონი, სადაც სუყოველი მედუნე თავისი გემის ცხოვრებით ცხოვრობს. მოუთხოველი განსაზღვრული მდინარობა. კაცობრივი სათამაშოები, კობტად მილაგებული ვიტრინაში.

ბავშვობაში ფურნის ჭიები, – თქვა მამამ, – და მაგათაც გაუნდებათ უფლებები, სუყველასთვის საცნაური უფლებები. უცებ თავს წამოყოფენ მგრძობელნი და დაიწყებენ სიმღერას. მერე შენთან მოვლენ და გიმღერებენ ფურნის ჭიების დიდ სევდამე და დასაღუბად განწირულებზე.

არცვის ჩვენგანს სიკვდილის შიში არა ჰქონდა, ოღონდ სუყველას ის გვაშინებდა, რომ დაიღუბებოდა ყველაფერი, რაც კი რამ შეგვექმნა. აი, მაშინ მივხვდით: ცხოვრების აზრი ის არის, რაზეც დაიხარჯა. მებადის სიკვდილი ხეებს არ გაახმობს, მაგრამ თუ მსხობიარე ხეს მოჭრი, მებადეც თან გაჰყვება.

ღიაღი ჭეშმარიტება გადამეშალა თვალწინ. გავიგე: ადამიანები ცხოვრობენ, იმათი აზრი კი იმათსავე სახლშია. გზა, ქერის ყანა, ბოლცოში რამ უცხოს სხვადასხვაგვარად ემეტყველებიან და იმას კი სხვაგვარად, ვინც აქ დაბადებულია. სახლი ეწინააღმდეგება სივრცეს, ტრადიციები უამთა სვლას.

დედაინა ალერსიანი ჩემი ფესვებისთვის. ოღონდ რტოებისთვის კი მთელი ცაა და ქარები შორი მხრით მობერნილი, დემილიც და მარტოობის თავისუფლებაც.

მარტო ის კი არ არის, რომ ამომცენარდება, გაიფურჩქნება და დაჭკნება. ეს აღწერა სასკოლო სახელმძღვანელოსთვის მისწრებაა. ანალიზი ამთომს ვარდს. ვარდის თანმიმდევრულ მდგომარეობათა წყება როდია. ვარდი ოდნავ ნადვლიანი დღესასწაულია.

ეს ქვეყანა მკვდარია, ეს მიწაც მკვდრად მეჩვენება: რაც რამ სიტკბოებას შეადგენს, ცოცხალ საგანთა სურნელი და სიმყიფე განადგურებულია.

„ო, აფხაზეთო!“



საიღა

ამას წინათ ახლობელთან ვიყავი წვეულებაზე. აფხაზეთიდან არიან დევნილები. რუსეთიდანაც ჩამოუვიდათ ნათესავები, რომლებმაც სოხუმის დაცემის შემდეგ დატოვეს კერია. სტუმართა შორის ორი აფხაზიც იყო – გოგო და ბიჭი, ბიძაშვილები.

რამდენიმე ჭიქის შემდეგ სუფრის წევრებს ღვინო დაეტყობო. უსიამოვნო აზრმა გამპკრა – სისხლმა არ იფეთქოს მეთქი. საბედნიეროდ, შევცდი. რუსლანმა, ჰო, ასე ერქვა იმ აფხაზ ჭაბუკს – ჩვენი მამები მეგობრობენ და ჩვენ სხვაგვარად მოქცევის უფლება არ გვაქვსო. სიმბოლური ყანწი გამოცალა. მერე ბიძაშვილს ანიშნა – დაინწყეო.

და მანაც აფხაზური „ვარადა“ წამოიწყა, რასაც მეგრული „ჩელა“ მოჰყვა. სხვებაც აჰყვნენ. ხმაშენყობილი, მაგრამ სევიანი გამოვიდა სიმღერები. სიმბოლურიც იყო – ასე მეჩვენა, ახალგაზრდები თითქოს 27 წლის წინანდელ ნაიარევი ჰანგების სალბუნებს აფენდნენ ტკივილისა და წყლულების და-

საამებლად, ძმებს შორის გაჩენილი ნაპრალეების ამოსავებად.

მღეროდნენ თავდავიწყებით... თვალცრემლიანი უფროსები მონუსხული უსმენდნენ სიცოცხლით სავსე ყმანვილებს და კურცხლებს მიღმა ჯველობა ახსენდებოდათ.

უნებურად გასული საუკუნის 80-იანი წლების კადრებმა გამიელვა გონებაში: ჩემი და გუმისთაში ცხოვრობდა რუსთაველის ქუჩაზე. სამუშაოს შემდეგ თანამშრომელი ქალები ხანდახან მასთან იყრიდნენ თავს. ერთხელ მეც შევესწარი ამგვარ პურობას. ისეთი ურთიერთობა ჰქონდათ, ერთი დედამამის შვილები გეგონებოდათ...

ჩემმა დამ სუფრას ფელამუში შემოამატა. ვხედავ, საიდა, ეზიანი აფხაზი გოგონა, რომელიც მაგიდასთან ჩემ პირდაპირ იჯდა, თევშიდან კოვხით რაღაცას კენკავდა და ხელისგულში მალავდა. გამელიმა, მიგუახლოვდი და რას აკეთებ-მეთქი, ჩავჩურჩულე. – შენს დას ფელამუში კვა-

რკვანტიები (მეგრულად – კურკანტელა) გარეგია და სხვების შეუმჩნევლად მინდა მოვასროო, – ჩურჩულითვე მიპასუხა.

– საი, რას ამბობ, ყველაზე გემრიელი ეს არის-მეთქი, ვუთხარი.

გამომცდელად შემომხედა და კოვხს მაშინვე მისამართი შეუცვალა.

– უი, ნიგოზი ყოფილა, – გადაიტკარცალა სახეგაბადრულმა. – ასეთი რამ არასდროს მიჭამია. – მარცხენა ხელისგულს პირთან მიიტანა და ერთიანად მოასუფთავა. მერე „ადესით“ სავსე ჭიქას წამოავლო ხელი, ნიგვიან ფელამუშს გაუმარჯოსო და ბოლომდე დალია. სხვებმაც მიბაძეს.

ლოყებაფაკლებულმა წკრიალა ხმით აფხაზური ხალხური სიმღერა წამოიწყა. გოგოებიც წამოეშველნენ...

სოხუმის დაცემის შემდეგ გავიგე, იმ მძიმე დღეებში საიდას ქართველები შეუფარებია ვინრო ბინაში...

სიყვარული არ აპატიეს... ვაჟა დანელია

იყიდება „საქართველო“

კინოთეატრი „საქართველო“ იყიდება. მისი საწყისი ფასი 7 მილიონი ლარია. კინოთეატრი „საქართველო“ მფლობელთა შორის ნაძალადევის ყოფილი მრავალგზის დეპუტატი მერაბ სამადაშვილია.

„2020NEWS“ კინოთეატრ „საქართველოს“ დირექტორს ნუკრი გიგაურს ესაუბრა. მან ჩვენთან საუბარში განაცხადა, რომ მესაკუთრეობა კინოთეატრ „საქართველოს“ გაყიდვა გადაწყვიტეს.

„7 მილიონ ლარად იყიდება მთლიანად გარე (2470 კვ.მ) და შიდა (2695 კვ.მ) ტერიტორია. მე ვიცი, რომ ეს ტერიტორია კერძო საკუთრებაა. არ ვიცი, ვინ არის ჩემი უფროსი. არც ის ვიცი ხელფასს ვინ მიხდის. არ ვიცი არც ერთს. მე მხოლოდ დირექტორი ვარ და მირეკავენ, რომ გავყიდო ეს ტერიტორია“, – აცხადებს გიგაური.

როგორც საჯარო რეესტრის ეროვნული სააგენტოს ამონაწერიდან ირკვევა, კინოთეატრ „საქართველოს 100%-იანი წილის მფლობელი შპს „მერიდიანი XXI“-ია.

შპს „მერიდიანი XXI“-ს 4 დამფუძნებელი ჰყავს. აქედან, ყველაზე მეტ წილს, 42%-ს კომპანია „მს.“ ფლობს, რომლის 100%-იანი წილის მფლობელი მერაბ სამადაშვილია. შპს „მერიდიანი XXI“-ში 25%-იან წილს ფლობს მისი ძმა ომარ სამადაშვილი და ჯამში კომპანიის 67 %-ის მფლობელები სამადაშვილები არიან.

მფლობელებს შორის ასევე არიან რუსეთის მოქალაქე ნოდარ გიორგაძე – 25%-ით და თბილისის საკრებულოს ყოფილი წევრი მამუკა გუგუშაშვილი – 8%-ით.

ცნობისთვის, ნაძალადევის, გურამიშვილის გამზირზე მდებარე კინოთეატრი „საქართველო“ ს/ს „ქართული ფილმის“ საკუთრება იყო, თუმცა 2007 წელს ის შპს „მერიდიანი XXI“-ს იჯარის ხელშეკრულებით, 25 წლის ვადით გადაეცა.

აღსანიშნავია, რომ 2007 წლის ზაფხულში სხვადასხვა ხელშეკრულების ნადავზე ს/ს „ქართული ფილმის“ მიერ სხვადასხვა მფლობელზე გასხვისდა: სილნალის კინოთეატრი, რუსთავის კინოთეატრები – „ივერია“ და „რუსთაველი“, გორის კინოთეატრი „გამარჯვება“, ახალქალაქის კინოთეატრი, ქარელის კინოთეატრი, თბილისში არსებული კინოთეატრი „ახმეტელი“ და „ამირანი“.



იქვედით სავსე კასი

რევაზ ძნელაძე-70



ჩაკაი შანიძესთან ერთად, 1973 წ.

ჩაკაი შანიძე, მას შემდეგ, რაც თბილისის დედა-უნევერსიტეტში ერთად გავეცანეთ სტუდენტობის საუკეთესო წლებში, დიდი დრო გასულა („გაფრენილა ჩვენი უღალი მიმინო...“), მაგრამ მეგობრული გრძნობები არ განელებულა...

შენ ამაყი იყავი იმით, რომ ნოლაში დაიბადე, ქართული ენის კლასიკოსის, დიდი ენათმეცნიერის აკაკი შანიძის სოფელში.

შესანიშნავი მშობლების, პედაგოგ-ფილოლოგების - აკაკი ძნელაძის (სკოლის დირექტორი) და შუშანა ლორიას ოჯახში დაიბადე. შემდეგ სწავლა განაგრძე მახინჯაურის საშუალო სკოლაში, რომელიც ოქროს მედალზე დაამთავრე.

სიამოვნებით ვიხსენებთ, თუ როგორი სიხარულით ჩაგვიყვანდი გურიის (ამჟამად სამტრედიის რაიონის) ამ ულამაზეს სოფელში, სიცოცხლითა და გურული იუმორით სავსე შენს მშობლებთან. რა დაგვაინცყებს იმ სიტბოს, გულითადობას, რასაც ნოლელები გვაგებებდნენ. ისიც კარგად გვახსოვს, ჩვენი უნიჭიერების თანაკურსელის დაზმირ (ლაშა) გახარისას ლექსებს გულჯობით რომ ვატარებდით („ჩამოვალ დედი და დარდს გადაგშლი, ზურგში მიბერავს სულს მუზის ქარი, და სტიბენდით ნაყიდ კაბაში გამოიქვითე ყველა სიზმარი...“)

1967 წელს თბილისის სახელმწიფო უნივერსიტეტის ფილოლოგიის ფაკულტეტის სტუდენტები გავხდით. სტუდენტობის დროს შენ იყავი ფაკულტეტის სტუდენტთა სამეცნიერო საბჭოს თავმჯდომარე, აკადემიკოს ვარლამ თოფურისას სახელობის სტიპენდიანტი, საუნივერსიტეტო, რესპუბლიკური და საერთაშორისო სტუდენტთა სამეცნიერო კონფერენციების მონაწილე. საგულისხმოა, რომ სერიოზული მოხსენებები მოამზადე აკადემიკოსების, ცნობილი მეცნიერების აკაკი შანიძისა და შოთა ძიძიგურის ხელმძღვანელობით. მათივე რეკომენდაციით უნივერსიტეტის წარჩინებით დამთავრების შემდეგ, იქვე განაგრძე სამეცნიერო-კვლევითი საქმიანობა.

წლების განმავლობაში (1987-2007) იყავი თსუ ფილოლოგიის ფაკულტეტის ერთ-ერთი ხელმძღვანელი. ასევე წარმართავდი მაგისტრატურას.

2010 წლიდან დღემდე ხარ საქართველოს ტექნი-

კური უნივერსიტეტის ქართული ფილოლოგიისა და მედიატექნოლოგიების დეპარტამენტის ასოცირებული პროფესორი.

მრავლისმომცველია შენი სალექციო კურსების თემატიკა: ახალი ქართული ენა, ქართული დიალექტოლოგია, ქართული ენის სწავლების მეთოდოლოგია, მშობლიური ენის სწავლების საკითხები თანამედროვე კონცეფციით, ქართული მეტყველების კულტურის საკითხები, ქართული ენის კომუნიკაციური ასპექტები, ლინგვოქვეყანათმცოდნეობა, აკადემიური წერა, სწავლების მეთოდები...

ხარ წიგნებისა და მრავალი სამეცნიერო სტატიის ავტორი, 50-დე წიგნის რედაქტორი და პრინციპული რეცენზენტი, სადოქტორო დისერტაციების ოპონენტი, ამიტომაც ავირჩიეს საქართველოს განათლების მეცნიერებათა აკადემიის წევრად. გვახარებს, რომ დღემდე წარმატებულად ეწევი აქტიურ სამეცნიერო-პედაგოგიურ საქმიანობას. ამის მკაფიო დადასტურებაა შენი წიგნები და სტატიები გურიისა და აჭარის ტოპონიმიკაზე, მონაწილეობა სამეცნიერო კონფერენციებში.

სიამოვნებით მოვიხმობთ ზოგიერთი სტუდენტის თვალთახედვას, გულწრფელ შეფასებებს თქვენს პიროვნულ სიბლზე: „უნივერსიტეტში ყოფნის მეშვიდე წელს ვითვლი. ამ წლების მანძილზე უამრავი ადამიანი შემხვედრია, მაგრამ დადებითი შთაბეჭდილების მოხდენას ცოტა თუ ახერხებს. თქვენ ერთ-ერთი ყველაზე საინტერესო და პატივსაცემი ადამიანი ხართ, რომელიც ნებისმიერი ასაკის თუ პროფესიის მსმენელის ყურადღებას იქცევს აუდიტორიაში, სტუდენტებს უნარჩუნებს მუდმივ ინტერესს საკუთარი საგნის მიმართ, იბოვონ მას-

ში რაიმე ახალი. ბატონო რეზო, გისურვებთ, რომ არასდროს დაკარგოთ იუმორის გრძნობა და აუდიტორიის ყურადღება, აუდიტორიისა, რომელსაც ავსებთ პოზიტივით და სიყვარულით“ (ანა რატიანი - არქიტექტორი.02.02.2020).

„რევაზ ძნელაძის აუდიტორია ადამიანური სიტბოთი და კეთილგანწყობით გამთბარი ადგილი იყო, სადაც მისვლა ყველას გვიხაროდა... მან გააკეთა ყველაზე დიდი, რაც კი შეეძლო გაეკეთებინა: მან დოქტორანტებს გაგვინათა გზა ერთობისკენ, ურთიერთდაფასებისკენ, ურთიერთგაფრთხილებისა და მეცნიერული კვლევებისკენ“ (ქსოლომონიშვილი).

„მას აქვს აუდიტორიასთან მომუხსველი ურთიერთობის მრავალწლიანი გამოცდილება და თანდაყოლილი ნიჭი, რომელიც დღევანდელ დღეს არც თუ ისე ბევრ ლექტორს გააჩნია, სამწუხაროდ“.

ყოველივე ეს ჯეროვანი დაფასებაა შენი პედაგოგიური და ადამიანური ღვაწლისა!

ჩვენო რეზო!

შენ ახალგაზრდული ენერგიით შედიხარ სიტბარ-მაგეში,ხალისიანი და იმედიანი კაცი ხარ. იცი მეგობრობის ყადრი. რა უნდა გისურვოთ იმაზე უკეთ, ვიდრე თავად მიმართე ამას წინათ ასევე ჩვენს სახელოვან თანაკურსელს, მესხეთის უნივერსიტეტის დაარსების ინიციატორსა და პირველ რექტორს, პროფესორ მერაბ ბერიძეს წერილში „დეტალებში განედლებული მოგონებები“: ფიქრი და ოცნება დიდხანს გულით არ გეტარებინოს,უმალ რეალობად გექციოს იგი!“

შენც რეალობად გექციოს შენი დიდებული ოჯახისა და მეგობრების ოცნებები და... უნივერსიტეტში შენი გზის დამოკცველი და აღმზრდელი ნოლელი პატრიარქივით, მართლაც ლეგენდარული აკაკი შანიძესავით 101 წელიწადი გეცხოვროს!

თანაკურსელთა სახელით

ვალირი ასათიანი, სპარტაკ ქოზულია.



მეგობარი პროფესორები: დავით ბოსირიძე (მარცხნიდან), ბურაბ გვენეტაძე, თამარ ჯაბოღნიშვილი, რევაზ ძნელაძე.

ვერდის უკვდავი „დონ კარლოსის“ ბათუმურ-მანჯაიბური პროექტი

2019 წელს ბათუმის სახელმწიფო მუსიკალურ ცენტრსა და მანჯაიმის (გერმანია) ნაციონალურ თეატრს შორის გაფორმდა ურთიერთანამშრომლობის მემორანდუმი. მემორანდუმის ფარგლებში იწყება მუშაობა გრანდიოზულ საოპერო პროექტზე, რომელიც გულისხმობს მან-

ჯაიმის ნაციონალური თეატრის მიერ დადგმული ცნობილი, საყოველთაოდ აღიარებული საოპერო წარმოდგენის, ჯუზეპე ვერდის „დონ კარლოსის“ დადგმას ბათუმის ხელოვნების ცენტრის სცენაზე. აღნიშნული ოპერის პრემიერა ბათუმში 2021 წლის მაისისთვის არის დაგეგმილი.

ერთ-ერთი უმთავრესი თემატრის არის ცნობილი ქართველი ტენორი ირაკლი კახიძე, რომელიც აგერ უკვე ოთხი წელიწადია, დიდი წარმატებით მოღვაწეობს მანჯაიმის ნაციონალურ თეატრში.

აღნიშნული პროექტის საპრეზენტაციოდ 20 თებერვალს ბათუმს საგანგებოდ ეწვევიან: ალბრეხტ პულმანი (მანჯაიმის ნაციონალური თეატრის ინტენდანტი), მარვინ ვენდტი (მანჯაიმის ნაციონალური თეატრის საოპერო დირექტორი), ირაკლი კახიძე (მანჯაიმის ნაციონალური თეატრის წამყვანი სოლისტი).

21 თებერვალს, 13 საათზე, სასტუმროში „ო. გალოგ-რე“ (მისამართი: ბათუმი, ვ. გორგასლის ქ. №8) გაიმართება პრესკონფერენცია, რომელშიც სტუმრებთან ერთად მონაწილეობას მიიღებენ - გიორგი მიქელაძე (ბათუმის სახელმწიფო მუსიკალური ცენტრის დირექტორი), მარიამ ჯახუტაშვილი (ბათუმის სახელმწიფო მუსიკალური ცენტრის საოპერო დასის სამხატვრო ხელმძღვანელი), დავით მუქერია (ბათუმის სახელმწიფო მუსიკალური ცენტრის სიმფონიური ორკესტრის სამხატვრო ხელმძღვანელი და მთავარი დირიჟორი).



პროექტი მოიცავს საოპერო სპექტაკლის სცენოგრაფიისა და კოსტიუმების უსასყიდლოდ გადმოცემას და დადგმის სრულად გადმონაცვლებას ბათუმის ხელოვნების ცენტრის სცენაზე. მოქმედი პირები კი, ბათუმის სახელმწიფო მუსიკალური ცენტრის საოპერო დასის სოლისტები, სიმფონიური ორკესტრი და კაპელა იქნება.

მემორანდუმში გაცვლითი ხასიათისა და ითვალისწინებს, როგორც მანჯაიმის ნაციონალური თეატრის სოლისტების მონაწილეობას ამ პროექტში, ასევე ბათუმის სახელმწიფო მუსიკალური ცენტრის სოლისტისა და დირიჟორის მონაწილეობას მანჯაიმის ნაციონალურ თეატრში.

ასეთი ურთიერთანამშრომლობის


დიდარ იმპერატორს

კოლხის იყავი, დარჩები კოლხად

საგა ფშავლებსა და სეგსურებს

გივი სორნაულს

ყველა ფშაველი, სეგსური - ყრმა თუ ასაკში შესული არადა აგდებდა სიკვდილს? თითქოს ცეკვაა ფერხულის სინამდვილეთა იქით! მთელი არსებით, ფიქრით ნათელ სულეთში მიქრის! ხატ-ლოცვით ფეხებადგმული - ადათ-წესებით ქართულით, მამულისათვის დაგული! მათ უღალატო გული აქვთ, სისხლი - არაგვი დგაფუნა, დასაბამიდან უვლიათ მხოლოდ და მხოლოდ ქართულად! რაც დედამინა ბრუნავს, რაც მზე ბარჩხალებს ცაზე, ამ ჭიუხ-მთებზე ზრუნავს, ეტრფის ღვთის სილამაზეს! დათვის დატორავს და... გმირია, ელაციცება ვარდებს! უვადოდ შენანირია ტაძარსა შიგან ნათელს! უღალატოა ძმობაში, მოძმეს ფათერაკს არიდებს და აკვესებულ გორდაში წინ წარუძღვება რაინდებს! სამშობლოს არვის წაართმევს, იცავს თავის ჯიშს, ღირსებას - ღამე - მთვარისფრად ანათებს, - ცისკრის არილით ივსება! ფშავურ-სეგსურულ კავიას ატოტავს ცეკვის ქარბუქით მეხზე მალი და მძაფრია უზადო ვნების ჭაბუკი!



თაღლით-გაქნილთა ქართველების, მაგრამ წესია თურმე ცხოვრების - საგანი გავხდეთ ბოლოს მხილების! მადლობა უფალს! გამოაღწიე ალიაქოთს და დავიდარაბას, ძირს არ დაუშვი, მაღლა ასწიე ტვირთი, რომელიც ზიდა არაბამ! ტახის ეშვებზე შემდგარი დროშა ისევ შრიალებს - ოხვრითაც ოხრავს... აბოკალიფსურ საშინელ დროსაც კოლხი იყავი!.. დარჩები კოლხად!

21-ე საუკუნის რუსეთი

დათვისაც მოჰგავს და მკერდჭრელ მორიელს, მან ბოროტება შეისისხლხორცა, გადაამეტა მგონი ორივეს, პატარა ერებს ბუზივით ხოცავს! სიფათს უმშვენებს ღრჯონი უცვეთი - მეფისტოფელის მღვრიე თვალებით, აფრაკად ქმნილა მთელი რუსეთი, გადავსებულა კანიბალებით! და განა მართო სიძვა-მრუშობა? სისხლისმსმელი ჰყავს მომავლის მოდგმაც, გენი დაუნთა - პუტინ-ბრუშჩოვთა საკუთარ თესლის ნაყოფს არ ზოგავს! გაბოროტდა და... მხეცზე სასტიკმა თავისუფლების ნასახიც დახრა, დღეს ჰიტლერელთა ყოფის სვასტიკა მისი ოცნების სიმბოლო გახდა!

გიჟის ხალათიანი

- Бей жидов и не забывай грузин - ჟიდებთან ერთად დასცხეთ ქართველებს! - აი, ლოზუნგი დღეის რუსების! ასე აღამებს, ასე ათენებს, შურის და ღვარძლის ხალხი - უცვეთი! პაჭანაკთა და სკვითთა საუფლოს ეშმაკის სული ჩასახლებულა, დათვი ფაშისტის დუჟით საუბრობს, მხეცის მირონის მადლით ცხებულა! საგილიოტინოდ უჩანს დუნიას ერი - მაცილად გარდასახული, ასქესებულ და გარყვნილ მურიანს აბანერებენ: - Иди на хуй!-ით!

გიჟის ხალათი ჩაუცვამს რუსეთს - სულ გაპუტინდა, გაჟირინოვსკდა, ვისაც სწამს მისი, სჯერა ან უსმენს, მსოფლიოს თვალში ისიც კი მოკვდა!

ლოდინის განცდა

სიბერეა ჩემი ტყუპისცალი! განსაცდელი, საზღაური ხვალის; სხვას არ ვამბობ, მიჯიქდება მკლავი, ჟამი მახრჩობს ერთობ გულსაკლავი! მხრებზე მანვეს სამამულო ვალი, ყოფის წისქვილს დაშრობია ღარი! მზად აქვს მნათეს დასარეკად ზარი! ვგრძნობ, უფალი მარილისთვის მგზავნის; განიხვნება სამუდამო კარი, შეიკვრება ჩემთვის ყველა რკალი, მომლოდინე მარტო ძალზე მწარის!

თითო ტაყბიანები

კოლხათს მარტო ჭაობად ხრჩოლავდი განა? ოქროს სანმისად მზებზე ბრწყინავდი, - ო, ცის ღვთაებავ, გრძნეულო ნანავ, შე მნათოა მნათო, სსოვნავ, წინაპრის!

* * * ოღრო-ჩოღრო შუკის ენას აჰყვა ლურჯა თოხარიკით, - ღმერთმა ისე შემაჩვენა, - რასაც ვთესავ - ვეღარ ვიშვი!

* * * აქეთქვითდა ყანად მწყერი, როცა გაიღვანა ქერი, კონდარზე ქარვის ფერი ნამის კრინით მიიმღერის!

* * * წყაროს ჩქერმა გაიელვა ჩითილების ხსნად და შველად, მისან ჭანებს მიჰყავთ ველად ფეხშიშველა ცისარტყელა!

* * * ცაზე გართხმულ ბეჭდად ივლის, ასე ივლის ივნისს, ივლისს, აციაგებს მთვარე თბილისს უცხო ფერით ყარამვილის!

* * * იდგა თებერვლის ნიაღვრის ღრენა აჭორებული მარტის კარებთან, სულ გადმოვგდო რუსის წყალს ენა და ხიდებს მკერდზე არ იკარებდა!

ყოველწამიერ მეწევი ცისკენ!

იდუმალეზავ, უჩინარ დღეთა ნათელ ტაძარში სანთლებად ღვენთავ, ქალი კი არა, იყავი ღმერთა და ცისარტყველა - ალღუმი ფერთა! იყავი ჩანჩქერს მოსხლეტა ჩქერის - სული ფიფქივით გეჭონდა კრიალა, იყავი-მეთქი, ვტირი და ვმღერი უშენობამ კი გამატილა! თუშეც ეს რას ვამბობ - არა ხარ, როგორ- შენი ხმის ბგერებს მუსიკად ვკონავ, კვლავ დარჩენილო შენ, ჩემთვის გოგოდ, რომელსაც არ აქვს ფასი და წონა! ყოველ ცისმარე გესაუბრები, ჟამს მიმწუხრისა მამხნევებ ისევ, არგაგონილი სევდის უფლებით ყოველწამიერ მეწევი ცისკენ! შენ ცაშიც ხარ და მიწაში ამ დროს, შენ მიჩანჩახებ მბუჟტავ გონებას, - შენზე დამთმობი, სათნო და სანდო ანი, არავინ არ მეყოლება!

როცა ლემსიც იბრძვის

ორი მუნასიბი

ეგებ მართლა ჩამოსვიდათ!

ადრე გვყავდა ჯიქურები,* მესტუმრეთა ჯიხურებით, დღეს გვყავს სეთურ-სანიათა ბინძურ ენატანიათა და მათ ყბაში, ვაი, მართალს! მათ იციან, ვისთვის რად „სჯობს“, თუ გინება გარეთ გავა, და წივიან გულსაკლავად. არა ქვეყნის სამსახური, მახვილის სკამი უნდათ გულით და რაც თვალი გამოჭყიტეს, სულ ყიდიან საქართველოს და სურთ, ბოლოდ მოირთველონ, რაც აქამდე ვერ გაყიდეს! ეგებ, მართლა ჩამოსვიდათ, მოვლა უნდა ძმობის ხიდებს, რომ დამსმენმა ვერ იქაჯოს... მსაჯულმა რომ იმსაჯულოს, მსაჯუმა სწორად რომ იმსაჯოს, სხვის მონათხრობს ნახვა არ სჯობს?!

* მესტუმრე ჯიქურმა მომხვედურთა ენა იცოდა და დედოფალ ჯიგდახათუნის გარდაცვალებად ფაქტობრივად ქვეყანას განაგებდა.

მოდიან, უკვე მოდიან!

ცილისწამების დარიშხანს და ჭიქა წყალში ქარიშხალს ენაჭარტალას რუპორი ახლა რა ახსნას უპოვის? სიცრუის ხმალს რომ ებასრა, გიჟი ცდილობდა, ებაზრა, მაგრამ მივუშვით ნებას და თვით შეეყარა სნებასა. თანაც ზღაპარი როდია, რაც მართლა ღირდა ლოდინად: ევროსაბჭოდან მოდიან, დიაგნოზისთვის მოდიან! ალექსანდრე შენგელია (ქუთაისი)

არც ერთი ქვეყანა არ იმსახურებს საკუთარს იმისთვის, რომ დაიცვას საკუთარი ბავშვები, - ამის შესახებ ჯანდაცვის მსოფლიო ორგანიზაციის და იუნესკოსის ექსპერტების საერთო კვლევაშია ნათქვამი, რომელიც გაერომ დაუკვეთა.

განცხადების თანახმად, მსოფლიოს ყველა ბავშვის მომავალი რისკის შემცველია, რადგან არ ხდება კლიმატური ცვლილებების ეფექტების აღმოფხვრა და მათ არ აქვთ ხელმისაწვდომობა სუფთა და ჯანმრთელი გარემოსადმი, რაც კეთილდღეობისთვის სასიცოცხლო მნიშვნელობისაა. მოხსენებაში ასევე საუბარია, რომ ბავშვებს საფრთხე მავნე მარკეტინგი-თაც ემუქრებათ, რომელიც ცხიმის და შაქრის შემცველ პროდუქტებს, თამბაქოსა და ალკოჰოლს უნევს კამპანიას. „კლიმატური ცვლილებები, ეკოლოგიური დეგრადაცია, მიგრაცია, კონფლიქტები, უთანასწორობა და მტაცებლური კომერციული პრაქტიკა საფრთხეს უქმნის ბავშვების ჯანმრთელობასა და მომავალს ყველა ქვეყანაში“, - ნათქვამია მოხსენებაში.



კარატე

იპონის მისაღობებთან

დუბაიში კარატისტთა პრემიერლიგის მორიგი ორთაბრძოლები გაიმართა. შეჯიბრებაში საქართველოდან სამი სპორტსმენი მონაწილეობდა. როგორც წინა ტურნირებში, ამჯერადაც მძიმე წონაში (+ 84 კგ) მსოფლიოს ექს-ჩემპიონი გოგიტა არქანია გამოიწერა. სტარტზე მან მინიმალური ანგარიშით პოლონელ მარეია გეპკას სძლია (1:0), შემდეგ უარყო არსოვსკი (მაკედონია, 4:1) და ტარეგ ჰამედი (საუდის არაბეთი, 5:2) დაამარცხა, ხოლო ნახევარფინალში ჩილელ როდრიგო როსასს დაუზავდა – 0:0. მსაჯებმა უპირატესობა ჩვენებურს მისცეს და არქანიაც ფინალში გავიდა, სადაც საოლიმპიადე ოთხეულში მოსახვედრად მთავარ კონკურენტ ჯონათან ჰორნეს (გერმანია) დაუპირისპირდა. ამ უკანასკნელმაც ნახევარფინალური პაექრობა ეგვიპტელ ტარეგ ტაბა მამუდთან ფრედ დაასრულა – 1:1 და დამწყვეტმა შეხვედრამაც უძლიერესი ვერ გამოავლინა – 1:1. მსაჯებმა გამარჯვება უფრო აქტიურ ჰორნეს მიაკუთვნეს. ქართველი სპორტსმენი „ვერცხლს“ დასჯერდა. მესამე ადგილებზე ნახევარფინალისტები ვერ გავიდნენ – ბრინჯაოს მედლები ჟაკუ ნილსონსა (საფრანგეთი) და ტარეგ ჰამედს (საუდის არაბეთი) ერგოთ, რომლებმაც, შესაბამისად, ტარეგ მამუდი (6:4) და როდრიგო როსასი (7:0) დაჯაბნეს.

67 კილოგრამ წონით კატეგორიაში დავით პატარიძემ სტარტზე ანდრეს დელგადო მადერიას (ვენესუელა, 1:0) მოუგო, ათან დროსტასს (ავსტრალია, 0:0) დაუზავდა, მაგრამ აქტიურობის ხარჯზე გავიდა შემდეგ ეტაპზე. მესამე წრეში ირანელ ამირ მეჰდიზადესთან აგებდა ორთაბრძოლას – 1:4, მაგრამ აზიელი მსაჯებმა ჯარიმების გამო მოხსნეს შეჯიბრებიდან. მეოთხედფინალში პატარიძე ტაილანდელ სუპასთან დამარცხდა და უმედლოდ დარჩა.

60 კილოში ძალებს დავით ტყეშუჩავა ცდიდა, რომელმაც ბრაზილიელი რაფაელ მასკიმენტო კი ჩამოიშორა გზიდან (4:1), მაგრამ ალხანდრო ორტიზ ფერნანდესს (ესპანეთი, 0:9) ვერ გაუმკლავდა და ბრძოლას გამოეთიშა.

ასლა კი იმ მნიშვნელოვანზე, რაც ყველაზე მეტად აინტერესებს ქართველ გულშემატკივარს. შეგახსენებთ, რომ ტოკიოს ოლიმპიადებზე წლეულს პირველად გათამაშდება მედლები კარატეში. ქალთა (55 კგ, 61 კგ და +61 კგ) და ვაჟთა (67 კგ, 75 კგ და +75 კგ) შორის თითოეულ წონაში 10-10 სპორტსმენი იასპარეზებს. ვაჟთა მძიმე წონაში 84 და +84 კილოგრამი წონითი კატეგორიების საუკეთესო სპორტსმენები იბრძოლებენ ჯილდოებისთვის. კარატეს საერთაშორისო ფედერაციის გადაწყვეტილებით, თითოეულ წონაში 4-4 ლიცენზიატი რეიტინგით გაირკვევა. მძიმე წონაში (+75 კგ) ორ-ორ საგზურს მიიღებენ 84 და +84



კილოში ყველაზე მეტი სარეიტინგო ქულების მქონენი. დღევანდელი მონაცემებით გოგიტა არქანია საოლიმპიადე კლასიფიკაციის საუკეთესო ხუთეულშია, ოღონდ მას ორი ირანელი უსწრებს, დეზულებით კი იპონიაში ქვეყნიდან მხოლოდ თითო სპორტსმენი გაემგზავრება.

გაგაცნობთ სარეიტინგო მონაცემებს: 1. უგურ აქთაში (თურქეთი, 9382.5), 2. ზაბიოლას პურშაბი (ირანი, 8775), 3. საჯად განჯზადეხი (ირანი, 8287.5), 4. ჯონათან ჰორნე (გერმანია, 8032.5), 5. გოგიტა არქანია (საქართველო, 6510), 6. ივან კვესიჩი (ხორვატეთი, 6337.5).

– მსოფლიოს კარატეში დიდი კონკურენციაა, რადგან სპორტის ამ სახეობაში 100 მილიონამდე ადამიანი ვარჯიშობს, – გვითხრა საქართველოს კარატეს ფედერაციის პრეზიდენტმა კახა ბასილიამ. – გოგიტა არქანია ბოლო რამდენიმე წელიწადია, ყველაფერს აკეთებს ოლიმპიური თამაშების საგზურის მოსაპოვებლად და მიზანთანაც ახლოსაა, რომ საკვალიფიკაციო ტურნირის გაუვლელად მოხვდეს ტოკიოში. მართალია, 36 წლისაა, მაგრამ დიდი რესურსი აქვს. შეჯიბრებებზე მეტოქეებსაც კი მოსწონთ მისი ცერული – ქართული ჭიდაობის ეფექტური ფანდი, რომლის საწინააღმდეგოდ კონტრილეთი კონკურენტებმა ჯერჯერობით ვერ დაუპირისპირეს. მისი მონდობა და შრომისმოყვარეობა მართლაც გმირობის ტოლფასია. გაუთვალისწინებელი რამ თუ არაფერი მოხდა, აპრილის პირველ რიცხვებში გოგიტა უკვე ლიცენზიატებს იქნება. მანამდე კიდევ სამი ურთულესი შეჯიბრება ელის. ორ დღეში ავსტრიას მივაშურებთ – ზალცბურგში 28-29 თებერვალს მსოფლიოს ლიგის პირველობა გაიმართება. მსგავს შეჯიბრებას 15-16 მარტს მაროკო უმასპინძლებს, ხოლო აზერბაიჯანის დედაქალაქ ბაქოში მარტის მიწურულს ევროპის ჩემპიონატი ჩატარდება. ვიმედოვნებთ, რომ ქართველი კარატისტები და, უპირველესად, გოგიტა არქანია ამ პაექრობებზე გვასახელებენ.

ლევან ცინცაძე

პითარეა

ჩინეთის დიდი პრიზი კორონავირუსის გამო გადაიდო

ჩინეთის დიდი პრიზი, რომელიც 2020 წლის სეზონის კალენდრის შესაბამისად, აპრილში, შანჰაის საერთაშორისო ტრეკზე უნდა გამართულიყო, კორონავირუსის ეპიდემიის გამო გადაიდო.

ჩინური ეტაპი კალენდარში რიგით მეოთხეა და, თითქოს, მანამდე დიდი დროა, მაგრამ ფორმულა 1-ის ხელმძღვანელობამ საერთაშორისო საავტომობილო ფედერაციასთან (FIA), შანჰაის ტრეკის ადმინისტრაციასთან და ჩინეთის დიდი პრიზის პრომოუტერთან შეთანხმებით, რობოლის გადადების გადაწყვეტილება მიიღო. ამასთან, ჯერ უცნობია, საერთოდ გაიმართება თუ არა ამ სეზონში ეს ეტაპი.

კორონავირუსი სულ უფრო ფართო მასშტაბს ღებულობს, მისი მსხვერპლის და ინფიცირებულითა რიცხვი მუდმივად იზრდება, ვირუსის სამეურნეო ვექტორია კი ჯერ შემუშავებული არ არის და რომც შეიქმნას, წარმოების დაწყებას დრო დასჭირდება. დიდი ალბათობით, ჩინური

ეტაპისთვის (19 აპრილი) მედიკოსებს მკურნალობის ეფექტური საშუალება ჯერაც არ ექნებათ, ამიტომ რობოლის გამართვა, რომელსაც ათიათასობით მყურებელი ესწრება, მონაწილეთა და ფანების სიცოცხლეს საფრთხეს შეუქმნის, რისი დაშვებაც არც FIA-ს ხელმძღვანელობას სურს, არც FIA-ს და არც რობოლის ორგანიზატორებს.

უფრო მეტიც, ეპიდემიის მეზობელ ქვეყნებში გავრცელების შემთხვევაში საფრთხის ქვეშ ვიეტნამის სადებიუტო დიდი პრიზის გამართვაც დადგება.

კობა კობახიძე



ჩემპიონთა ლიგა

ვინ დათვალოს ზღვაში ქვიშა

გულშემატკივართაგან ხშირად გვესმის, რა უშველელა ფეხბურთს, როცა კარიერას მესი და რომა დედო დაასრულებენ.

პესიმისტთა დასამშვიდებლად ვიტყვი, რომ სპორტის ყველაზე პოპულარული სახეობა დაობლებას პელებს, მარადონას, კრუიფს, დი სტეფანოს, ბეკენბაუერის, ეუსებოლსა და სხვა კორიფების ეპოქათა ფინიშს შემდეგ გადაურჩა, ასე რომ, ვარსკვლავები მომავალშიც განსაზღვრავენ ფეხბურთის მარადიულობას.

ცის კაბადონზე ერთ-ერთი უკვე რომ აკი აფდა, ნორვეგიელი ჭაბუკი ერლინგ ჰალანდი ადასტურებს, რომელსაც გოლს გოლზე გააქვს და მეკარეთა ნამდვილ რისხვად იქცა.



„ზალცბურგში“ დაფრთხიანებულმა ბარტყმა ამჯერად „დორტმუნდის“ მაისურით გაიბრწყინა და „პარი სენ-ჟერმენთან“ შესრულებული დუბლით პარტნიორებს ბევრისთვის სენსაციური გამარჯვება მოუტანა – 2:1 (სტუმართაგან მბაპეს ძალისხმევით ნეიმარმა იყოჩაღა).

ალხანიშნავია, რომ ვიკინგების შთამომავალი პირველი ფეხბურთელი გახდა, რომელმაც ჩემპიონთა ლიგის ერთ სეზონში ბურთები ერთბაშად ორი გუნდის – ამ შემთხვევაში ავსტრიულისა და გერმანულის შემადგენლობაში გაიტანა.

პლეოფის ამავ ეტაპზე უმნიშვნელოვანესი ამბავი მოხდა მადრიდშიც, სადაც წლეულს აქამდე ნაუგებელი მოქმედი გვირგვინოსანი „ლივერპული“ „ატლეთიკომ“ 1:0 დაამარცხა (საული).

რამდენად საკმარისი აღმოჩნდება ბუნდესლიგისა და ესპანური კლუბებისთვის საკუთარ მინდვრებზე მოპოვებული მინიმალური უპირატესობა, საპასუხო რაუნდი გვიჩვენებს, რომელიც 11 მარტს გაიმართება.

გიორგი შოთაძე

ლეგიონერი



ნეით მაკმილანი: გოგა ბითაძეს გამორჩეული საკალათბურთო ინტელექტი აქვს

„ინდიანა პეისერზის“ მთავარმა მწვრთნელმა ნეით მაკმილანმა ქართველი ცენტრის გოგა ბითაძის შესახებ ისაუბრა და აღნიშნა, რომ ის ნბაში კარგი მოთამაშე გახდება.

„გოგას მაღალი საკალათბურთო ინტელექტი აქვს და კარგი საკალათბურთო უნარებით გამოირჩევა.“

მას დრო სჭირდება და ის ნბაში კარგი მოთამაშე გახდება – განაცხადა მაკმილანმა. გოგამ მიმდინარე სეზონში 50 შეხვედრაში მიიღო მონაწილეობა და საშუალოდ ერთ ბატჩში 3 ქულას, 2.1 მოხსნას და 0.5 შედეგიან გადაცემას აგროვებს.

ვიტალი ჯავარიძე


ინტერნეტიდან კიდევ ერთხელ

ამ დროს ქართველში შეიძლება ბევრს მიავიწყდა ბელგიელი მოდელი რაფაელა ფიკო, რომელიც ერთ დროს უმოპოვარულეს ინტელიგენტ ფეხბურთელს მარიო ბალოტელის ეფანტეკვალბოდა და ეს სხვადასხვა საბოლოოდ რაფაელას მუცლის გაბერვითა და პატარა მარიოს გაჩენით დასრულდა.

ამის შემდეგ გვარიანი დრო გავიდა და ათასმა წყალმა ჩაიარა. რაფაელა მარიოს თანაცოფისთანავე უმალ დაშორდა და მაგრადაც ეჩხუბა. მერე შვილზე მამობის უფლება ბალოტელიმ მაინც მოიპოვა, მერე ისევ იჩხუბეს და იყო ასე დიდი განამანია და წყევლა-კრულვა ბელგიურ-იტალიურ ენებზე.

ასლა მარიო ბალოტელი აპენინელ ჟურნალისტებს უმხელს, რომ ნანობს თავის უწინდელ სიგიჟეს და სურვილიც კი ჰქონდა რაფაელას შერიგებოდა. გერლფრენდყოფილმა ეს შეთავაზება შორს დაიჭირა და მხოლოდ ხანდახან შვილის ნახვაზე დათანხმდა. აწი ვილას უნდა მოხერხებული და მივიწყებული „სუპერ“ მარიო...

ბაჟან დოლიძე



პირველი ქართველი ავიატორის დაუჯერებელი ისტორია...

პირველ ქართველ ავიატორს ბესარიონ ქებურიას 15 თებერვალს 150 წლის იუბილე შეუსრულდა. ფრენები საბურთალოს გორაკებზე, სწავლა პარიზის საფრენ სკოლაში, კატასტროფა შავ ზღვაზე და სხვა ისტორიები, რომელიც ცოტა ადამიანმა თუ იცის.

„ბილეთებს ყიდდნენ და ხალხიც უყურებდა, როგორ დაფრინავდა დიდი ჩიტი ცაში, თან დრაკონებით ცეცხლს აფრქვევდა“, — ამბობს ჩხორონწყუს ისტორიული მუზეუმის დირექტორის მოადგილე ზაურ ჯალაღონია.

ბესარიონ ქებურია ჩხორონწყუში დაიბადა, გლეხის ოჯახში. ჯერ ბავშვი იყო, როცა მეჯობებს ფოთში გაჰყვა და ისე მოიხიბლა მატარებლით, რომ რკინიგზის მშენებლობაზე სამუშაოდ დარჩენა გადაწყვიტა. მოგვიანებით ბესარიონ ქებურია პეტერბურგის საზღვაოსაინჟინრო სასწავლებელს დაამთავრებს და მალევე ჩაუყრის საფუძველს ქართულ ავიაციას.

1908 წელს, როცა პლანერი თავისი ხელით გააკეთა, საბურთალოს გორაკებზე ვარჯიშობდა. 200-მეტრიანი ნახტომები გამოსდიოდა, მაგრამ უფრო დიდი მანძილისთვის ძრავა იყო საჭირო.

1909 წელს, როცა ფრანგმა ავიატორმა ლუი ბლერიომ სა-

კუთარი კონსტრუქციის მონოპლანით ლა-მანშის სრუტეს გადაფრინა, შთაგონებულმა ბესარიონმა, თუ რამე შეეძლო გაეყიდა და პარიზის საფრენოსნო სკოლაში ჩააბარა. მალე ის პირველი ლიცენზირებული მფრინავი გახდა საქართველოში.

მფრინავის შეიქმნილი გიორგი ქებურია იხსენებს, რომ ერთხელ, ფრენისას, ბესარიონი ზღვაში ჩავარდა. მიუხედავად იმისა, რომ ისრჩობოდა, ძრავისთვის ხელი მაინც არ გაუშვია — იცოდა ხელმეორედ შექმნას ვეღარ გასწვდებოდა.

„თვითმფრინავს ისევ ააწყობდა თავისი ხელით, მაგრამ ძრავას საფრანგეთიდან იწერდა ხოლმე. ძვირი იყო, ამიტომ მუხლებით ეჭირა ზღვაში. ერთხელ ისეც მოხდა, რომ მუშტაიდის თავზე გაუჩერდა ძრავი. ორი ხე დაინახა მათ შორის გაჭედა თვითმფრინავი“, — ამბობს გიორგი ქებურია.

პირველი თვითმფრინავები მსუბუქი და მარტივი კონსტრუქციის იყო. ქარიან ამინდში ადვილად ყირავდებოდა და პილოტსაც ხშირად უხდებოდა დაბეჭელობისა თუ მოტეხილობის მკურნალობა. აქ გამოადგა დედის ეკატერინე ჯობავას ხელობა, რომელმაც სახალხო მედიცინა იცოდა და შეილსაც შეასწავლა.



ბესარიონ ქებურიას ხელმძღვანელობით აშენდა პირველი აეროდრომები თბილისში, ბაქოში, სოხუმიში, ბათუმში, დაიგეგმა საჰაერო ტრასები (ბაქო-თბილისი-სოხუმი-სოჭი-მოსკოვი, ბაქო-თბილისი-ქუთაისი-სოხუმი). 50-იან წლებში ჩხორონწყუში რომ დაბრუნდა, ერთი აეროდრომი იქაც გახსნა. თბილისი-ჩხორონწყუსა და ქუთაისი-ჩხორონწყუს რეისებზე ე.წ. „კუკურუნები“ დაფრინავდა, მაგრამ კომერციულად მომგებიანი არ იყო და ფრენებიც შეწყდა.

„საზღვარგარეთ ავიაციის მუზეუმში ტურისტს შეუძლია, შეუკვეთოს და იქვე შემოუფრინოს არემარეს. ჩხორონწყუში პატარა თვითმფრინავით, ან ვერტიკალურით რომ აფრინდეს ტურისტი, იქ საოცარი ხედებია: ლეზარდე, ოცინდალე... შეიძლება, ეს ადგილი ტურისტული თვალსაზრისით მიმზიდველი გახდეს“, — ამბობს გიორგი ქებურია, რომელიც დარდობს, რომ მუზეუმისთვის ფული დღემდე ვერ მოძებნა.

დღემდე ვერც ის მოხერხდა, რომ ადგილი შეეცვალათ ბესარიონ ქებურიას ძეგლისთვის, რომელიც ძველი აეროპორტის წინ დგას. მას შემდეგ, რაც აეროპორტი გადაიტანეს, ძეგლი ტრიალ მინდორში დარჩა!

თბა თოფურია



ტვირთვების რაოდენობით ფოთის საზღვაო ნავსადგური ლიდერობს

2019 წელს საქართველოს საზღვაო ნავსადგურებმა და საზღვაო ტერმინალებმა 17.2 მლნ ტონა ტვირთი გადაამუშავეს, რაც 2018 წლის მაჩვენებელს 2.1 მლნ ტონით აღემატება.

ეკონომიკის სამინისტროს ოფიციალური მონაცემებით, გასულ წელს გაიზარდა ნავსადგურებში კონტეინერების გადაამუშავების მაჩვენებელიც. კერძოდ, 2019 წელს საზღვაო ნავსადგურებმა 647 816 ერთეული კონტეინერი გადაამუშავეს, რაც 2018 წლის მაჩვენებელს 193 878 ერთეულით აღემატება.

გადაამუშავებული ტვირთების მოცულობით ფოთის ნავსადგური ლიდერობს, რომელმაც გასულ წელს 86 მლნ ტონა ტვირთი გადაამუშავა, მეორე ადგილზეა სუფსის საზღვაო ტერმინალი, რომელიც 2019 წელს 3.7 მლნ ტონა

ტვირთს მოემსახურა. 3.2 მლნ ტონა ტვირთი გადაამუშავა გასულ წელს ბათუმის ნავსადგურმა, 1.6 მლნ ტონა კი — ყულევის ტერმინალი.

ჯამურად, ეკონომიკის სამინისტროს ინფორმაციით, გასულ წელს სატრანსპორტო დარგებმა 42.3 მლნ ტონა ტვირთი გადაზიდეს, რაც 2018 წლის მონაცემს მხოლოდ 0.2 მლნ ტონით აღემატება.

სატრანსპორტო დარგებიდან, გადაზიდული ტვირთების მოცულობით, საავტომობილო ტრანსპორტი ლიდერობს, რომელიც 2019 წელს 31.4 მლნ ტონა ტვირთს მოემსახურა. მეორე პოზიციას ამ მიმართულებით სამოქალაქო ავიაცია იკავებს. სამოქალაქო ავიაციით, 2019 წელს 24.9 მლნ ტონა ტვირთი გადაზიდეს, 10.9 მლნ ტონა ტვირთს კი რკინიგზა მოემსახურა.




სანთელი

ავთანდილ ჭარბაძე

არიან ადამიანები, რომლებიც განვლილი ცხოვრებით წარუშლელ კვალს ტოვებენ. სწორედ ასეთ პიროვნებად ითვლებოდა ჩვენი მეგობარი ავთანდილ ჭარბაძე, რომელიც მოულოდნელად 66 წლის ასაკში გამოგვაკვდა. ამ დღეებში თავისი გარდაცვლილი დის სულს მოეფერა, ორმოცზე ყველა ახლობელი შეგვეკრიბა და... თითქოს გამოგვემშვიდობა. კაცთმოყვარე ადამიანი გახლდათ ავთანდილი. წარმოუდგენელია, როდესაც მასზე წარსულში გვინვეს საუბარი. „პლესანოველი“, ძირძველი ქალაქელი... 24-ე სკოლის დამთავრების შემდეგ დაამთავრა უნივერსიტეტის ეკონომიკის ფაკულტეტი, მოსკოვში — ასპირანტურა. ყოველთვის მზად იყო, ყველას გვერდში დასდგომოდა. ცნობილ ავბედით წლებში მასაც დაუმსახურებლად ატკინეს გული, თუმცა კაცურად დასძლია ყოველივე. გულმხურვალედ გამოხატავდა თავის დამოკიდებულებას მიმდინარე მოვლენებისადმი, ქვეყნის სიკეთე უხაროდა და სატიკვარი სტიკოდა. დატოვა შესანიშნავი ოჯახი, არაჩვეულებრივი შვილები და შვილიშვილები, სანათესაო და დიდი სამეგობრო.

ღმერთმა აცხონოს ავთო ჭარბაძის სული.



მემორაბი
პანაშვიდი 20, 21 №, გამოსვენება 22 №, 15 სთ. თევდორე მღვდლის 3 (ყოფილი ორჯონიკიძის ქუჩა), | სადარბაზო, მე-8 სართული.

ა(ა)იკ „საქართველოს ნიგოსნობის ეროვნული ფელაქსიის“ წევრთა სექტორი ქრება (ყრილობა)

2020 წლის 5 მარტს 10:00 საათზე ქ.ფოთში, წმინდა ნინოს ქ. № 6, ქ.ფოთის საბიბლიოთეკო გაერთიანების საკონფერენციო დარბაზში გაიმართება საქართველოს ნიგოსნობის ეროვნული ფელაქსიის წევრთა ყრილობა.

- დღის წესრიგი:**
1. ფელაქსიის პრეზიდენტის არჩევა.
 2. ფელაქსიის ვიცე-პრეზიდენტის არჩევა.
 3. ფელაქსიის გამგეობის წევრების არჩევა.
 4. 2020 წლის სპორტ. ღონისძიებათა კალენდარული გეგმის განხილვა.

ისნის რაიონში ახალი გზის მშენებლობა დასრულდა



თბილისის მერიის ინფრასტრუქტურის განვითარების საქალაქო სამსახურმა ისნის რაიონში ახალი გზის მშენებლობა დაასრულა, რომელიც დაეთიხას ქუჩას და მერვე ლეგიონის დასახლებასთან მდებარე, მთისძირის ქუჩას აკავშირებს. დასრულებული სამუშაოები დედაქალაქის მერმა კახა კალაძემ დაათვალიერა.

პროექტის ფარგლებში, სანიაღვრე ქსელი, გვერდმომღებები და ხელოვნური ნაგებობები მოეწყო, ასევე დამონტაჟდა გარე განათების ქსელი. დასრულდა სახელმწიფო დაცვის სპეციალური სამსახურის სასწავლო ცენტრისა და მისი პარკინგისკენ მიმავალი გზა და უჩაკოვის ქუჩის მონაკვეთი.

რეაბილიტაციამდე მონაკვეთზე გრუნტის ვინრო გზა იყო, რომლით სარგებლობაც არაკომფორტული იყო. რეაბილიტაციის შედეგად გამართვივდება საავტომობილო მიმოსვლა კახეთის გზატკეცილსა და თბილისის ზღვაზე.

სამშენებლო სამუშაოები თბილისის მერიის კონტრაქტორმა კომპანიამ „ბლექ სი ჯგუფმა“ აწარმოა. ახალი გზის მშენებლობაზე 2 700 000 ლარამდე დაიხარჯა.

თბილისის ვანო სარაჯიშვილის სახელობის კონსერვატორიაში დიდი წარმატება ხვდა წილად თურქული ეთნო-ჯაზის კონცერტს, რომელიც Burcu Karadag-მა და მისმა მეგობრებმა წარმოადგინეს.

ეთნიკური მუსიკისა და ჯაზის შერწყმით გაჩენილი ეთნიკური ჯაზი კვლავ აგრძელებს აღმოსავლეთისა და დასავლეთის საერთო ფასეულობების პოპულარიზაციას.

Burcu Karadag ნების მომავადობელი ხმის, პიანინოს, დრამის, ბალაბანისა და კონტრაბასის შერწყმით მსმენელს მუსიკალურ ექსპერიმენტზე იწვევს.

ანატოლიის ჰანგები დასავლეთის ჯაზთან ჰარმონიაში მოჰყავთ Burcu Karadag-ს, რომელიც როგორც თურქეთში, ასევე საერთაშორისო ასპარეზზე პოპულარულია. იგი პროფესიულ დონეზე ნების შემსრულებელი ერთადერთი ქალი არტისტია, ასევე ახალგაზ-

ანატოლიის ჰანგები

რდა აზერბაიჯანელ პიანისტ ეთიბარ ასადლს, რომელიც მუსიკის სფეროში მოღვაწეობას პარიზში აგრძელებს, დრამერს, კავკასიის სდუნთქვას ექინ ჯეზ-გიზჯანს, ბალაბანისა და თუთქის (ჩასაბერი საკრავები) ოსტატ ალფსარ რაჰიმოვსა და ელექტრობასში პარიზის მბრწყინავ ვარსკვლავს პიერ თომას ფრიდომს.

კონცერტს დაესწრო თურ-



ქეთის ელჩი ფატმა სერენ იაზგანი, რომელმაც სამახსოვრო საჩუქარი ბრონეულის ფორმის ძვირფასი სამკაული გადასცა Burcu Karadag-ს და აღნიშნა, რომ ის სწორად და სიამოვნებით უსმენს Burcu-ს კომპოზიციას სახელწოდებით „ბრონეული“.

ოპერასიის დროს ვიოლინოზე უკრავდა

53 წლის მევიოლინე ქალი დაგმარ ტერნერი უკრავდა თავისი ტვინის ოპერაციის მიმდინარეობის დროს, იმისთვის, რომ ქირურგებს მისი ტვინის ის ნაწილი არ დაეზიანებინათ, რომელიც მუსიკაზე აგებს პასუხს.

პაციენტს ტვინის სიმსივნის მოშორება ესაჭიროებოდა. ექიმებმა ქალს ურჩიეს, რომ ოპერაციის მიმდინარეობის დროს გა-




აღვიძებდნენ, რათა მას ვიოლინოზე დაეკრა. ამის საშუალებით ექიმები მარცხენა ხელის ფუნქციონის გაკონტროლებას შეძლებდნენ. მედიკოსთა ჯგუფმა პაციენტის ტვინი ოპერაციამდე მონიშნა, რომ გაეგოთ თუ ტვინის რომელი ნაწილები მუშაობს დაკერის პროცესში.

ლექსისა და მტრების უჩვეულო მეგობრობის ისტორია

აშშ-ში ძალი, რომელიც ვერ დადის, დაუმეგობრდა მტრებს, რომელიც ვერ დაფრინავს.

2020 წლის იანვარში ჩიხუას უფასო ჯიშის ლექვი ლანდი ქალაქ როჩესტერის საზოგადოებრივ ორგანიზაციაში მოხვდა, რომელიც თანდაყოლილი გადახრების მქონე ცხოველებზე ზრუნავს. ლექვის უკანა თათები არ ფუნქციონირებს. მალე ორგანიზაციაში მოხვდა მტრედი სახელად გერმანი, რომელიც ვერ დაფრინავს.

გერმანმა და ლანდიმ საერთო ენა სწრაფად იპოვეს და მთელ დღეებს ერთმანეთთან ჩახუტებულები ატარებენ. მათი მეგობრობის ისტორია სოციალურ ქსელებში დიდი პოპულარობით სარგებლობს.



რონალდუს სამ შვილზე და მათ საერთო ქალიშვილზე ალანა მარტინაზე ხარჯავს.

რონალდუ იტალიის ჩემპიონატის ყველაზე მაღალანაზღაურებადი ფეხბურთელია. მისი წლიური ხელფასი 31 მილიონი ევროა. „იუვენტუსში“ რონალდუ 2018 წლის ზაფხულში მადრიდის „რეალიდან“ გადავიდა. ტურინელებმა მის სანაცვლოდ 100 მილიონი ევრო გადაიხადეს.

ქრიშტიანო რონალდუ სასოლუს ანებივრებს


ტურინის „იუვენტუსის“ პორტუგალიელი ფორვარდი კრიშტიანო რონალდუ ყოველთვიური ხარჯებისთვის თავის საცოლეს ჯორჯინა როდრიგესს 96 ათას ევროს აძლევს.

35 წლის ფეხბურთელის საცოლე ამ ფულის ნაწილს

ნეანდერტალის პირველი ჩონჩხი

არქეოლოგებმა ბოლო 10 წლის განმავლობაში ნეანდერტალელის პირველი ჩონჩხის ფრაგმენტი იპოვეს, რომლის ძვლებიც ერთმანეთთან არის შეერთებული.

ალმოჩენა ერაცში, ცნობილ შანიდარის გამოქვაბულში გაკეთდა. შანიდარში გათხრებს ჯერ კიდევ 1950-იან წლებში ანარმოებდნენ. მაშინ სპეციალი სტე მ ა 10 ნეანდერტალელის ნეშტი აღმოაჩინეს. ერთ-ერთს თი-



თებზე ყვავილების მტვრის ნაკვალევი აღმოაჩნდა, რის გამოც მეცნიერებმა ივარაუდეს, რომ ნეანდერტალელები დაკრძალვის რიტუალში ყვავილებს იყენებდნენ.

ახალ ჩონჩხს არქეოლოგებმა შანიდარ Z დაარქვეს. მისი ასაკი 70 ათას წელს შეადგენს. ჩონჩხი შუახნის ან უფრო ასაკოვან სუბიექტს ეკუთვნის, თუმცა მეცნიერებმა მისი სქესი ჯერ არ იცინ. სპეციალისტებმა გამოქვაბულში მხოლოდ ჩონჩხის ზედა ნაწილი ნახეს. მათ იმედი აქვთ, რომ მისი იდეალური მდგომარეობიდან გამომდინარე ნეანდერტალელების დაკრძალვის რიტუალების შესახებ უფრო მეტს გაიგებენ. ახლა ძვლებს კემბრიჯის უნივერსიტეტის სპეციალისტები სწავლობენ.

უსუოური ვალუტის ჯარი:
 აშშ დოლარი - 2.8631; ევრო - 3.1010;
 ბრიტანული პირანმა სტერლინგი - 3.7321;
 100 რუბლი - 4.4902; თურქული ლირა - 0.4722;
 აზერბაიჯანული მანათი - 1.6884;
 1000 სომხური დრამი - 5.9775.

აინლი 20 თებერვლისთვის

აღმოსავლეთი საქართველო:			
ბაჩი -	ლამ	-3,	ლვ +15
შიონი რაიონი -	ლამ	-8,	ლვ +11
დასავლეთი საქართველო:			
ბაჩი -	ლამ	-1,	ლვ +15
შიონი რაიონი -	ლამ	-4,	ლვ +14
თბილისი:	ლამ	-1,	ლვ +14

დაგვიკავით, მოგვწერით:
 ტელ: 296-72-86, 599-79-76-79, 568-82-09-84
 ელ. ფოსტა: sakresp@mail.ru
 და sakresp@top.ge
 ვებ-გვერდი: www.sakresp.ge

საქართველოს რესპუბლიკა
SAKARTVELOS RESPUBLIKA
 ბ. ჩიქობავას (ყოფილი საბჭოს) ქუჩა №42/5
 ტელ: 296-72-86
 მთავარი რედაქტორი
 სპარტაკ მოხულია
 599 36-00-35
 პასუხისმგებელი რედაქტორები:
 გურამ გომიანაშვილი
 599 53-76-16;
 ალექო
 ასლანიშვილი
 599 56-81-86;
 პასუხისმგებელი მდივანი
 მამუკა ვაშაძიძე
 514 33-33-24

გამომცემლობა:
 შპს „ახალი საუკუნე – გაზეთ „საქართველოს რესპუბლიკის“ გამომცემელი“
 599 53-76-16; 599 36-00-35
 შპს „თანადობა“-ს გაზეთ „საქართველოს რესპუბლიკის“ გამომცემელი“
 ტ: 599 79-76-79
 იბეჭდება გამომცემლობა „კოლორ პრესი“
 რკინიგზის ჩიხი №20
 uac(უაკ)070.4(479.22) ს-323
 ISSN 2233-3851
 9 772233 385001

ავტორთა საყურადღებოდ!
 რედაქციის მიერ შეუკვეთავი მასალები დაიბეჭდება ავტორთა ხარჯით. ავტორთა მოსაზრებები, შესაქობა, მუდამ არ ემთხვეოდეს რედაქციის პოზიციას. ფაქტების სიზუსტეზე პასუხს აბეზან ავტორები.

„საქართველოს რესპუბლიკა“
შენი გაზეთია, აუსილავლად გამოიწერე, რასაც გამოიწერე, აქ წაიკითხავ, სხვაგან ვერ ნახავ!